

Na osnovu člana 19. stav 4. Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 105. sjednici, održanoj 27.03.2014. godine, donosi

## ZAKLJUČAK

1. Usvaja se Izvještaj o radu Federalnog zavoda za statistiku za 2013. godinu. ✓
2. Ovaj zaključak stupa na snagu danom donošenja. ✓

V. broj: 516 /2014  
27.03.2014. godine  
Sarajevo



**PREMIJER**  
**Nermin Nikšić**

**BOSNA I HERCEGOVINA  
FEDERACIJA BOSNE I HERCEGOVINE  
FEDERALNI ZAVOD ZA STATISTIKU**

**IZVJEŠTAJ O RADU  
FEDERALNOG ZAVODA ZA STATISTIKU  
ZA 2013. GODINU**

**Februar 2014. godine**



## SADRŽAJ:

I Uvod .....	5
II Izvršenje Plana po oblastima .....	6
1. Poslovne statistike .....	7
1.1. Statistika poljoprivrede, šumarstva, ribarstva i okoliša .....	7
1.2. Statistika industrije, građevinarstva i energije .....	9
1.3. Strukturno poslovno statističko istraživanje.....	11
1.4. Statistika usluga i vanjske trgovine .....	11
1.5. Poslovni statistički registar i ekonomske klasifikacije .....	13
1.6. GIS i registar prostornih jedinica .....	14
2. Statistika stanovništva i društvene statistike .....	15
2.1. Statistika stanovništva i registar .....	15
2.2. Statistika tržišta rada.....	22
2.3. Statistika razvoja društva .....	23
2.4. Statistika životnih uslova .....	25
3. Ekonomske statistike.....	26
3.1. Statistika nacionalnih računa .....	26
3.2. Statistika cijena .....	27
III Administrativna i tehnička podrška.....	28
1. Publicistika i diseminacija.....	28
2. Pravni, kadrovski, finansijsko-računovodstveni i opći poslovi.....	29
3. Informaciono - komunikacione tehnologije i statističke metode.....	31
3.1. Informacioni sistem i tehnička podrška .....	31
3.2. Statističke metode i koordinacija .....	32
3.3. Razvoj aplikacija za unos podataka .....	32
3.4. Razvoj baza podataka, podrška diseminaciji i unos podataka .....	33
IV Kantonalne Službe i Uredi .....	33
V Aktivnosti koje su imale međunarodnu podršku.....	34
VI Uslovi koji su uticali na realizaciju statističkih aktivnosti .....	37
1. Organizaciona struktura .....	37
2. Finansiranje.....	39
P R I L O Z I:.....	40
Prilog 1. – Planirane i izvršene aktivnosti po oblastima u 2013. godini .....	41
Prilog 2. – Spisak aktivnosti koje nisu provedene u 2013. godini .....	41
Prilog 3. – Spisak publikacija objavljenih u 2013. godini .....	42
Prilog 4. – Zaposleni prema polu i stepenu obrazovanja (31.12.2013.).....	44
Prilog 5. – Budžet Federalnog zavoda za statistiku.....	45
Prilog 6. – Poslovni prostor.....	45
Prilog 7. – Spisak seminara i obuka u 2013. godini.....	46



## I Uvod

Federalni zavod za statistiku je samostalna upravna organizacija za poslove statistike u Federaciji Bosne i Hercegovine, koja na nepristrasan i stručan način proizvodi statističke podatke i iste dostavlja svim grupama korisnika, od Vlade i drugih organa i institucija do najšire javnosti.

Federalni zavod za statistiku (u daljem tekstu: Zavod) u skladu sa načelom neutralnosti, objektivnosti i stručne neovisnosti, samostalno i profesionalno odlučuje o metodama i načinu prikupljanja, obrade, čuvanja i prezentiranja statističkih podataka.

Zavod je uspješno proveo statističke aktivnosti za 2013. godinu definisane Programom provođenja statističkih istraživanja od interesa za Federaciju Bosne i Hercegovine za period 2013 - 2016. i Planom provođenja statističkih istraživanja od interesa za Federaciju BiH za 2013.godinu (u daljem tekstu: Plan) usvojenim Odlukom Vlade Federacije Bosne i Hercegovine V.broj: 1196/2013 od 23.10.2013. godine („Službene novine Federacije Bosne i Hercegovine”, broj 86/13 od 01.11.2013. godine).

Prioritetni zadaci Zavoda bili su:

- Implementacija Zakona o statistici u Federaciji Bosne i Hercegovine, Sporazuma o primjeni jedinstvenih metodologija i jedinstvenih standarda pri izradi statističkih podataka BiH i Fundamentalnih principa zvanične statistike UN i EU
- Kontinuirana implementacija Kodeksa/Pravila rada evropske statistike
- Jačanje institucionalne uloge i položaja Zavoda u institucijama i izvršnoj vlasti FBiH
- Kontinuiran rad na harmonizaciji postojećih i donošenju novih metodologija, klasifikacija i standarda
- Učešće u implementaciji međunarodnih projekata pomoći razvoja statističkog sistema u Bosni i Hercegovini u skladu sa EU standardima i regulativama, koji će pomoći razvoju statistike na nivou BiH i na nivou entiteta
- Provođenje Popisa stanovništva, domaćinstava i stanova u Bosni i Hercegovini 2013. godine

U ovom izvještaju su prikazane realizovane i nerealizovane aktivnosti po oblastima, kao i aktivnosti vezane za administrativnu i tehničku pomoć, te problemi koji su se javili tokom realizacije aktivnosti i preduzete mjere za rješavanje tih problema.

## II Izvršenje Plana po oblastima

Za 2013. godinu u Zavodu je planirano ukupno 172 aktivnosti, a uspješno je završeno 166 ili 96,5 % planiranih aktivnosti (Prilog 1).

Nije realizovano 6 planiranih aktivnosti (Prilog 2). Godišnje istraživanje o upotrebi informacijskih i komunikacijskih tehnologija u preduzećima i u domaćinstvima (planirano kao probno), nije izvršeno zbog nedostatka novčanih sredstava, koje je trebala obezbijediti Agencija za statistiku BiH putem pronalaženja donatora. Takođe, Agencija za statistiku BiH nije pravovremeno pokrenula sve neophodne pripremne aktivnosti za sljedeća statistička istraživanja: Kvartalni indikatori u hotelijerstvu i ugostiteljstvu, Kvartalni indikatori u poštanskim i kurirskim uslugama, Kvartalni indikatori u telekomunikacijskim uslugama. Sve navedene aktivnosti su prolongirane za 2014. godinu zbog angažiranosti IT osoblja i ostalih službenika u Popisu stanovništva, domaćinstava i stanova.

U 2013. godini nisu se stekli preduslovi za provođenje Godišnjeg istraživanja o rashodima i prihodima u zaštiti okoliša (INV-OK) zbog problema u provođenju probnog istraživanja u 2010. godini. Agencija za statistiku BiH ima obavezu da doradi metodologiju prije početka provođenja redovnog istraživanja.

Realizacija statističkih aktivnosti predstavlja složen proces u kojem su najvažnije faze:

- izrada metodologija harmoniziranih sa EU standardima i regulativama
- izrada i ažuriranje pomoćnog instrumentarija za provođenje statističkog istraživanja (nomenklature, klasifikacije, kodeksi)
- uspostavljanje organizacionih osnova za provođenje statističkih istraživanja
- izrada, štampanje i distribucija obrazaca i metodoloških i organizacionih uputstava
- obuka kadrova na terenu
- izrada i održavanje aplikacija za unos i obradu podataka
- prikupljanje podataka od izvještajnih jedinica i održavanje kontakta s njima
- kontrola podataka
- priprema za obradu i obrada podataka
- analiziranje podataka
- priprema publikacija (saopćenja, bilteni, statistički godišnjak)
- objava rezultata

U daljnjem tekstu nalazi se prikaz izvršenih statističkih aktivnosti po sektorima i odsjecima.

## **1. Poslovne statistike**

### **1.1. Statistika poljoprivrede, šumarstva, ribarstva i okoliša**

#### **Statistika poljoprivrede**

U izvještajnom periodu završeni su svi planirani poslovi i zadaci. Provedeno je 18 statistička istraživanja (10 godišnjih, 1 višegodišnje, 2 kvartalna i 5 mjesečnih). Za sva istraživanja podaci su prikupljeni, obrađeni i publicirani u predviđenim rokovima.

Statistika poljoprivrede prikuplja podatke o primarnoj poljoprivrednoj proizvodnji (strukture, proizvodnja i cijene) i prema Planu sadrži pet oblasti: statistiku biljne proizvodnje, statistiku stočarstva, mesa i jaja, statistiku mlijeka i mlječnih proizvoda, poljoprivredne strukture i poljoprivredne račune i cijene.

U okviru statistike biljne proizvodnje prikupljeni su i obrađeni podaci o korištenju poljoprivrednih površina, strukturi sjetve, stablima voća i čokotima vinove loze (ukupna i rodna), potrošnji inputa i bilansama (samo za poljoprivredna preduzeća), zatim o ostvarenoj proizvodnji usjeva, voća i grožđa (obuhvata 73 pravne osobe iz poljoprivrede i 79 općina).

U okviru statistike stočarstva prikupljeni su i obrađeni podaci o brojnomo stanju stoke i stočnoj proizvodnji (87 poljoprivrednih preduzeća i 79 općina), klanju stoke i peradi u klanicama (45 klaonica i 79 općina - za obrtnike), aktivnosti i strukturi valionica/inkubatorskih stanica (14) i prikupljanju mlijeka i mlječnih proizvoda (24 pravne osobe koje se bave proizvodnjom mlijeka, mlječnih proizvoda i sira). Poljoprivredni računi i cijene (agro-monetarna statistika) prikupili su i obradili podatke o otkupu i prodaji poljoprivrednih proizvoda, tj. količini, vrijednosti i prosječnoj cijeni (289 izvještajnih jedinica), cijenama reprezentativnih inputa: stočna hrana, mineralna đubriva, sredstva za zaštitu bilja, veterinarske usluge (65 izvještajnih jedinica) i izradu poljoprivrednih računa. U cilju poboljšanja agro-monetarne statistike u 2013. godini nastavljen je rad na izradi šeme ponderisanja i kompletiranja serije nedostajućih podataka, te na izradi eksperimentalnih ekonomskih računa za poljoprivredu, indeksa cijena poljoprivrednih output-a i indeksa cijena određenih inputa u poljoprivredi.

Statistika poljoprivrede je bila uključena u IPA 2011 Twinning projekat sa tri komponente (biljna, stočarska i agro-monetarna statistika), a u 2013. godini je u sklopu ovog projekta provedeno pilot istraživanje „Godišnje istraživanje o farmi (GIF)“, u Federaciji BiH na uzorku od 150 poljoprivrednih gazdinstava i 25 poslovnih subjekata iz oblasti poljoprivrede. Svrha ankete je bila prikupljanje osnovnih informacija o poljoprivrednoj proizvodnji (biljna i stočna proizvodnja), kao i podataka o upotrebi i korištenju vlastitih poljoprivrednih proizvoda u gazdinstvu. Anketa će omogućiti testiranje evropske i međunarodne metodologije o strukturi poljoprivrednih gazdinstava.

#### **Statistika ribarstva**

U okviru statistike ribarstva prikupljeni su i obrađeni podaci o uzgoju i tovu ribe i mlađi, proizvodnji ribljih jaja/ikre i mlađi i inputima u ribarstvu. Izvještajne jedinice su ribnjaci, tj. pravne osobe i dijelovi pravnih osoba (obuhvaćeno je 25 izvještajnih jedinica). Kompletno istraživanje je u razvojnoj fazi i podaci se objavljuju djelimično.



## Statistika šumarstva

U okviru statistike šumarstva provedeno je 8 statističkih istraživanja (7 godišnjih i 1 mjesečno). Podaci o proizvodnji, prodaji, zalihama, cijeni i vrijednosti šumskih sortimenata prikupljaju se i publikuju na mjesečnom nivou. Izvještajne jedinice su pravne osobe, lokalne jedinice i lokalne jedinice prema vrsti djelatnosti iz šumarstva, u obuhvatu su 42 izvještajne jedinice.

Godišnjim istraživanjima prikupljeni su podaci o bruto posjećenju drvnjaci, podizanju i gajenju šuma, iskorištavanju šuma, štetama u šumama i šumskim požarima, te građevinskim objektima, saobraćajnicama i mehanizaciji u državnim šumama.

Od 2013. godine istraživanje „Ekonomski računi u šumarstvu - ŠUM-ER“, provodi se kao redovno istraživanje, a u obuhvatu su javna preduzeća šumarstva i preduzeća koja se bave uslugama u šumarstvu (obuhvat 96 izvještajnih jedinica). Prikupljeni podaci su obrađeni i analizirani, ali se još ne publikuju jer je ovo prva godina da se istraživanje provodi kao redovno.

Statistika lovstva prikuplja podatke o brojnom stanju divljači, lovišta i lovaca, te lovačkim zgradama i objektima na godišnjem nivou. Izvještajne jedinice su pravne osobe iz oblasti šumarstva i lovačka društva, u obuhvatu je bilo 100 izvještajnih jedinica.

## Statistika okoliša

U okviru statistike okoliša provedeno je 9 godišnjih statističkih istraživanja i jedno probno istraživanje.

Statistika okoliša obuhvata statistiku otpada i statistiku voda. Izvještajne jedinice su iz oblasti rudarstva, industrije, energije, snabdijevanja vodom i upravljanja otpadom, ovisno o vrsti istraživanja.

Statistikom otpada su prikupljeni podaci o količinama nastalog otpada (opasnom i neopasnom), prema kategorijama otpada nastalog u proizvodnim aktivnostima i načinima upravljanja tim otpadom i internom odstranjivanju/preradi. Također, prikupljeni su podaci o količinama otpada odloženog na deponijama i načinu postupanja sa prispjelim otpadom, kao i količini i strukturi sakupljenog komunalnog otpada (obuhvaćeno je 658 izvještajnih jedinica).

Statistikom voda prikupljeni su podaci o snabdijevanju vodom, korištenju i ispuštanju upotrebene (otpadne) vode i zaštiti voda od zagađivanja u industriji i rudarstvu, javnom vodovodu (isporučene količine vode prema djelatnosti iz javnog vodovoda) i javnoj kanalizaciji (porijeklo prečišćenih i neprečišćenih ispuštenih otpadnih voda), obuhvaćene su 464 izvještajne jedinice.

U 2013. godini istraživanja iz oblasti statistike voda su provedena na redizajniranim obrascima i upustvima za provođenje istraživanja o statistici voda, sa ciljem unapređenja statistike voda, kako bi se omogućilo što uspješnije ispunjavanja nacionalnih i međunarodnih zahtjeva.

Statistika okoliša je bila uključena u IPA 2011 Twinning projekat sa dvije komponente, voda i otpad, s ciljem prilagođavanja statistike otpada i voda sa EU regulativama, kao i poboljšanja trenutne situacije, validacije rezultata istraživanja o kvaliteti i primjeni postojećih kriterija o opasnom i neopasnom otpadu.

## 1.2. Statistika industrije, građevinarstva i energije

### Statistika industrije

Statistička istraživanja koja su provedena u oblasti industrije u 2013. godini su: Mjesečni izvještaj industrije IND-1 (596 izvještajnih jedinica / na godišnjem nivou 7.152 jedinice) i Godišnji izvještaj industrije IND-21/PRODCOM (626 izvještajnih jedinica).

Izvještajne jedinice za prikupljanje Mjesečnog izvještaja industrije IND-1 su poslovni subjekti sa 10 i više uposlenih. Ovim istraživanjem prikupljaju se podaci o broju zaposlenih osoba, ostvarenoj mjesečnoj proizvodnji, zalihama i prodaji industrijskih proizvoda količinski i vrijednosno. Na osnovu podataka iz Mjesečnog izvještaja industrije izračunava se Indeks obima industrijske proizvodnje koji se objavljuje na web stranici Zavoda u vidu saopštenja, zatim u biltenu „Mjesečni statistički pregled FBiH“ i Statističkom godišnjaku. U toku 2013. godine na web stranici Zavoda, u vidu saopštenja kvartalno su objavljivani podaci o ostvarenoj industrijskoj proizvodnji u FBiH, količinski i vrijednosno.

U okviru GIZ projekta realizirane su aktivnosti obračuna Indeksa obima industrijske proizvodnje u 2013. godini, prema jedinstvenoj metodologiji za sve tri statističke institucije. Obračun indeksa je rađen po novoj KD BiH 2010, Nomenklaturi industrijskih proizvoda (NIP BiH 2010) i novoj baznoj godini izračunatoj na osnovu IND-21/Prodcom istraživanja za 2010. godinu, kao i struktura dodane vrijednosti na osnovu Strukturnog poslovnog istraživanja (SPS) za 2010. godinu. Također je urađena izmjena obrasca IND-1, a prikupljanje izvještaja po novom obrascu počinje od 2014.godine.

Počelo je izračunavanje sezonski prilagođenih indeksa i kalendarski prilagođenih indeksa na osnovu radnih dana.

Obzirom da su zadovoljeni svi standardi Eurostata, indeksi industrijske proizvodnje za BiH su se prvi put počeli dostavljati Eurostatu u 2013. godini.

Istraživanje Godišnji izvještaj industrije IND-21/PRODCOM za 2012. godinu provedeno je na temelju Nomenklature industrijskih proizvoda (NIP BiH 2012). Ovim istraživanjem prikupljaju se podaci o broju zaposlenih osoba, ostvarenoj proizvodnji, zalihama i prodaji industrijskih proizvoda količinski i vrijednosno, kao i o prodaji na stranom tržištu. Po završetku obrade podataka godišnjeg IND-21/PRODCOM istraživanja urađen je Bilten industrijske proizvodnje za 2012. godinu, koji je objavljen u skladu sa planom publikovanja. Podaci IND-21/PRODCOM istraživanja također su se počeli dostavljati u Eurostat i podaci su dostavljeni za 2011. i 2012. godinu.

### Statistika građevinarstva

Provedena istraživanja u građevinarstvu u 2013. godini su:

- Mjesečni izvještaj građevinarstva GRAĐ-21 (broj izvještajnih jedinica - 283, godišnje 3.396)
- Mjesečni izvještaj o izdatim odobrenjima za građenje GRAĐ-OG (izvještajne jedinice su: 78 općina, 2 gradske uprave, 10 kantonalnih ministarstava i 1 ministarstvo FBiH, godišnje 2.881)
- Tromjesečni izvještaj o radovima u inostranstvu GRAĐ-33 (broj izvještajnih jedinica - 25, godišnje 100)

- Polugodišnji izvještaj o cijenama novih stanova GRAĐ-41 (broj izvještajnih jedinica - 21, godišnje 42)
- Godišnji izvještaj za građevinske objekte GRAĐ-11 (broj izvještajnih jedinica 280, ukupno 2.370 izvještaja o izgrađenim objektima )

Izvještajne jedinice za prikupljanje Mjesečnog izvještaja građevinarstva (GRAĐ-21) su poslovni subjekti sa 10 i više uposlenih. Ovim istraživanjem prikupljaju se podaci o vrijednosti ugovorenih radova, vrijednosti izvršenih radova, efektivnim satima rada i broju zaposlenih. Na osnovu podataka Mjesečnog izvještaja građevinarstva (GRAĐ-21), izračunava se Indeks fizičkog obima građevinarstva.

Mjesečnim izvještajem o izdatim odobrenjima za građenje (GRAĐ-OG) dobijaju se podaci o broju izdatih odobrenja za građenje, broju novih stanova i korisnoj površini stambenih i poslovnih prostora, i obezbjeđuju podaci za izračun dvije varijable kratkoročnih statistika (STS) prema EU regulativi.

Istraživanjem Tromjesečni izvještaj o radovima u inostranstvu (GRAĐ-33) prikupljaju se podaci o ugovorenim i izvršenim građevinskim radovima u inostranstvu, broju zaposlenih osoba, po zemljama i vrstama radova.

Istraživanjem Polugodišnji izvještaj o cijenama novih stanova (GRAĐ-41) prikupljaju se podaci o cijenama novoizgrađenih stanova, cijenama stanova u izgradnji, cijeni zemljišta, troškovima gradnje i ostalim troškovima.

Godišnji izvještaj za građevinske objekte (GRAĐ-11), ovim istraživanjem prikupljaju se podaci o izgrađenim građevinskim objektima prema Klasifikaciji vrsta građevinskih objekata (CC).

Svi rokovi za slanje, prikupljanje, obradu i publikovanje podataka za provedena istraživanja su ispoštovani i podaci su objavljeni na web stranici Zavoda u vidu saopštenja, u Mjesečnom biltenu i tematskom biltenu „Građevinarstvo FBiH“ i Statističkom godišnjaku.

U okviru IPA 2008 twinning projekta, kroz planirane misije sa stranim ekspertima (iz Italije i Danske) rađeno je na novoj metodologiji obračuna indeksa obima proizvodnje u građevinarstvu i metodologiji o izdatim odobrenjima za građenje. Na osnovu obrasca za Mjesečni izvještaj građevinarstva (GRAĐ-21) urađen je revidiran obrazac za Kvartalni izvještaj građevinarstva K KPS GRAĐ-21, i periodika provođenja ovog istraživanja u 2014. godini prestaje biti mjesečna a postaje kvartalna. U okviru GIZ projekta urađene su pripreme za preračun vremenskih serija indeksa obima proizvodnje u građevinarstvu od 2005 - 2013. godine po novoj metodologiji urađenoj po standardima Eurostata.

## **Statistika energetike**

U oblasti energetske statistike u 2013. godini provedeno je 9 godišnjih statističkih istraživanja i 1 mjesečno statističko istraživanje. Rezultati istraživanja se koriste za izradu godišnjih statističkih energetskih bilansa za FBiH i BiH.

Istraživanjima su prikupljeni i obrađeni sljedeći podaci: o proizvodnji i potrošnji električne energije (u obuhvatu 16 izvještajnih jedinica), o proizvodnji i potrošnji toplotne energije (u obuhvatu 14 izvještajnih jedinica), o proizvodnji i potrošnji uglja (u obuhvatu 13 izvještajnih jedinica), o trgovini uglja (u obuhvatu 5 izvještajnih jedinica), o snabdijevanju prirodnim plinom (u obuhvatu 4 izvještajne jedinice), o trgovini naftnim proizvodima (u obuhvatu 11 izvještajnih jedinica), o proizvodnji i potrošnji energenata u koksnoj industriji (u obuhvatu 2 izvještajne jedinice), o utrošku energenata (u obuhvatu 626 izvještajnih jedinica), te podaci o mjesečnoj proizvodnji električne energije (u obuhvatu 2 izvještajne jedinice).

Izveštajne jedinice za prikupljanje podataka su poslovni subjekti koji se bave proizvodnjom i distribucijom električne energije, proizvodnjom uglja, proizvodnjom toplotne energije, distribucijom plina, trgovinom čvrstim gorivima i naftnim derivatima. Također, izvještajne jedinice su i poslovni subjekti registrirani u oblasti industrije koji koriste i troše energente.

Svi rokovi za slanje, prikupljanje, obradu i publikovanje podataka za navedena istraživanja su ispoštovani i podaci su objavljeni na web stranici Zavoda u vidu saopćenja i u Statističkom godišnjaku. Takođe, ispoštovane su i obaveze prema Agenciji za statistiku BiH, kao i ostale obaveze prema korisnicima podataka Zavoda.

### **1.3. Strukturno poslovno statističko istraživanje**

Statistika strukturnih poslovnih istraživanja predstavlja opći okvir za prikupljanje podataka svih aktivnih tržišnih jedinica (preduzeća i poduzetnika).

U procesu pripreme i same realizacije Strukturnih poslovnih statistika poštovani su zahtjevi temeljne EU Regulative 295/2008 u ovoj oblasti statistike sa ciljem pune harmonizacije sa europskim standardima. Trenutno se pokrivaju prva četiri aneksa EU regulative, a u planu je i proširenje i na ostale anekse EU regulative.

Na temelju raspoloživih statističkih podataka, koje su izvještajne jedinice dostavile Zavodu, pripremljeno je saopćenje strukturno poslovnih statistika za referentnu 2012. godinu (varijable i indikatori za preduzeća).

Podaci za referentnu 2011. godinu su dostavljeni EUROSTAT-u, a u planu je pisanje i izvještaja o kvalitetu.

Svi rokovi za štampanje, slanje, prikupljanje i obradu podataka za provedeno istraživanje su ispoštovani, kao i obaveze prema Agenciji za statistiku BiH.

### **1.4. Statistika usluga i vanjske trgovine**

#### **Statistika unutarnje trgovine**

U oblasti unutarnje trgovine u 2013. godini provedena su sljedeća statistička istraživanja: Mjesečni izvještaj trgovine na malo, Tromjesečni izvještaj distributivne trgovine za pravne osobe i Godišnji izvještaj o domaćim sajmovima. Za sve statističke aktivnosti podaci su prikupljeni, obrađeni i objavljeni na web stranici Zavoda u formi saopćenja, u biltenu „Mjesečni statistički pregled FBiH” i u Statističkom godišnjaku/ljetopisu u skladu s Planom.

U toku 2013. godine nastavljene su aktivnosti za statistiku trgovine na malo u okviru IPA 2008 Twinning projekta. Jedan od glavnih ciljeva je bio usklađivanje statistike unutarnje trgovine, prvenstveno trgovine na malo sa EU regulativom za kratkoročne statistike. Od januara 2013. godine prikupljanje podataka o prometu u trgovini na malo je počelo na redizajniranom obrascu. Statističko istraživanje trgovine na malo bazira se na kombiniranoj metodi slučajnog uzorka i punog obuhvata, u zavisnosti od veličine preduzeća. Mala i srednja preduzeća izabrana su metodom uzorka, a velika čiji je godišnji promet dva miliona KM i više, obuhvaćena su u potpunosti. Ukupni uzorak se sastoji od 924 poslovna subjekta. Podaci o prometu u trgovini na malo (bez PDV-a) publiciraju se u apsolutnim vrijednostima. Prema zahtjevu Eurostat-a rezultat istraživanja trgovine na malo treba da bude izražen u obliku indeksa. Objava

podataka u obliku izvornih, neprilagođenih indeksa, desezoniranih i kalendarski prilagođenih indeksa planirana je za 2014. godinu.

Od januara 2013. godine prikupljanje podataka o prometu i broju zaposlenih u distributivnoj trgovini provodi se na redizajniranom obrascu. Statističko istraživanje distributivne trgovine bazira se na kombiniranoj metodi slučajnog uzorka i punog obuhvata, u zavisnosti od veličine preduzeća. Mala i srednja preduzeća izabrana su metodom uzorka, a velika čiji je godišnji promet četiri miliona KM i više, obuhvaćena su u potpunosti. Ukupni uzorak se sastoji od 1.617 preduzeća.

## **Statistika vanjske trgovine**

Statistička aktivnost koja se odnosi na proizvodnju detaljnih statističkih podataka o robnoj razmjeni Federacije BiH s inostranstvom izvršena je u potpunosti i na vrijeme, tj. u skladu s Planom za 2013. godinu. Publiciranje glavnih agregata izvršeno je u mjesečnoj periodici u obliku Saopćenja na web stranici Zavoda i u biltenu „Mjesečni statistički pregled FBiH”, a detaljnih godišnjih podataka u Statističkom godišnjaku/ljetopisu. Kontinuirano je rađena obrada statističkih podataka o vanjsko-trgovinskim robnim transakcijama FBiH u skladu sa zahtjevima korisnika podataka.

Statistička aktivnost izračunavanja indeksa jediničnih vrijednosti izvoza i uvoza od 2013. godine postala je redovna aktivnost. Indeksi jediničnih vrijednosti izvoza i uvoza objavljuju se u kvartalnoj periodici u obliku Saopćenja na web stranici Zavoda i u biltenu „Mjesečni statistički pregled FBiH”.

Nedostupnost ID brojeva u bazi podataka Uprave za indirektno oporezivanje bila je prisutna i u 2013. godini, što predstavlja veliki problem za statistiku vanjske trgovine, jer je onemogućena kontrola kvaliteta statističkih podataka o robnoj razmjeni Federacije BiH s inostranstvom.

## **Statistika turizma i ugostiteljstva**

Statistička aktivnost Mjesečni indikatori statistike smještaja u turizmu izvršena je u skladu s Planom. Prikupljeni su podaci o: smještajnim kapacitetima, broju dolazaka i noćenja domaćih i stranih turista te svrsi i načinu dolaska domaćih i stranih turista. Jedinice posmatranja su poslovni subjekti (preduzeća, obrtnici i drugi koji se bave ovom djelatnošću) i njihove jedinice u sastavu, koji su registrirani za djelatnost pružanja smještaja. Uključuju se i zdravstvene ustanove u kojima osobe same snose naknadu za medicinsku rehabilitaciju, odnosno svoj boravak, te poslovni subjekti koji se bave posredovanjem u smještaju gostiju u seljačkim domaćinstvima, kućama, kampovima, apartmanima i sobama, koje neposredno iznajmljuju građani/domaćinstva.

U okviru IPA 2008 Twinning projekta izvršena je priprema i provođenje Pilot ankete o turističkoj aktivnosti domaćeg stanovništva. Anketa je provedena na području Kantona Sarajevo krajem novembra 2013. godine, na uzorku od ukupno 550 domaćinstava i financirana je sredstvima IPA projekta.

Statistička aktivnost Tromjesečni izvještaj ugostiteljstva za pravne osobe izvršena je u skladu s Planom. Podaci o prometu u ugostiteljstvu po vrstama ugostiteljskih objekata i po vrstama usluga prikupljeni su od preduzeća čija je glavna djelatnost pružanje usluga smještaja, te pripreme i usluživanja hrane i pića, kao i preduzeća čija je glavna djelatnost izvan navedenog, ali koja imaju

jedinice po vrsti djelatnosti koje se bave pružanjem usluga smještaja, te pripreme i usluživanja hrane i pića.

## **Statistika transporta i skladištenja**

Za sve statističke aktivnosti iz područja transporta podaci su prikupljeni, obrađeni i objavljeni na web stranici Zavoda u formi saopćenja, u biltenu „Mjesečni statistički pregled FBiH” i u Statističkom godišnjaku/ljetopisu u skladu s Planom.

U okviru ove djelatnosti provedeno je 16 statističkih istraživanja putem kojih su prikupljeni, obrađeni i publicirani sljedeći podaci: broj prijevoznih sredstava i prevezenih putnika u cestovnom, željezničkom i zračnom prijevozu; prevezena roba u cestovnom, željezničkom i zračnom prijevozu; broj putničkih i tonskih kilometara; cestovna i željeznička infrastruktura; broj registriranih cestovnih motornih vozila po vrsti i starosti vozila i tipu pogonske energije; broj saobraćajnih nezgoda i broj poginulih i povrijeđenih osoba. Jedinice posmatranja su preduzeća čija je glavna djelatnost Prijevoz i skladištenje, osim poštanske i kurirske djelatnosti. Sva statistička istraživanja provode se na bazi punog obuhvata, osim istraživanja Kvartalnih indikatora u transportu i skladištenju, koje se provodi na bazi slučajnog stratificiranog uzorka. Za sedam istraživanja koja se provode na tromjesečnom nivou prikupljeni su podaci od 702 izvještajne jedinice, a za devet istraživanja koja se provode na godišnjem nivou prikupljeni su podaci od 402 izvještajne jedinice.

## **Statistika komunikacija**

U okviru ove oblasti provedena su dva tromjesečna i dva godišnja statistička istraživanja. Podaci su prikupljeni od šest izvještajnih jedinica. Prikupljeni su i objavljeni sljedeći podaci: broj pismonosnih i paketnih pošiljki; fiksni i mobilni telefonski razgovori, širokopoljasni internet pristup; broj SMS poruka; broj pretplatnika u fiksnoj i mobilnoj telefoniji, broj internet pretplatnika po vrsti pristupa, broj pošta i poštanskih prijevoznih sredstava.

Jedinice posmatranja za navedene aktivnosti su poslovni subjekti registrirani u djelatnosti pružanja univerzalnih poštanskih usluga i ostalih poštanskih i kurirskih usluga, kao i poslovni subjekti za obavljanje djelatnosti žičane i bežične telekomunikacije i ostalih telekomunikacijskih djelatnosti.

### **1.5. Poslovni statistički registar i ekonomske klasifikacije**

Redovno i kontinuirano u toku godine izvršavano je ažuriranje administrativnog i Statističkog poslovnog registra (SPR), koji služi za provođenje statističkih istraživanja. Iz administrativnog registra se tromjesečno preuzimaju podaci za ažuriranje Statističkog poslovnog registra, dok se iz statističkih istraživanja podaci i informacije za ažuriranje SPR-a dobijaju redovno u toku i nakon provođenja istih.

Podaci o statusu aktivnosti statističkih jedinica u SPR-u ažuriraju se na osnovu više dostupnih izvora, odnosno izvještaja o godišnjem poslovanju, statusu transakcijskih računa, direktnom komunikacijom sa poslovnim subjektima, kao i uvidom u podatke o registraciji objavljene od strane sudova, ministarstava i općina. Urađena je posebna analiza i ažuriranje statističkih

jedinica u SPR-u po pitanju statusa aktivnosti na osnovu informacija iz Statističkog aneksa-godišnjeg računovodstvenog izvještaja za 2012. godinu, te na osnovu godišnjeg Strukturalnog poslovnog istraživanja (SPS).

Statistički poslovni registar se koristi kao okvir za planiranje i provođenje statističkih istraživanja, te za izbor jedinica putem uzorka ili punog obuhvata. Službenici Odsjeka aktivno su učestvovali u pripremi i izradi okvira iz SPR-a za redovna i pilot statistička istraživanja i vršili su korekcije na istim, u saglasnosti sa predmetnim metodolozima i uzorkašima.

Na osnovu provedenog Posebnog istraživanja za provjeru i popravku kvaliteta SPR-a, planiranog kroz IPA 2008 Twinning projekat, izvršeno je ažuriranje podataka o lokalnim jedinicama i jedinicama prema vrsti djelatnosti.

Petogodišnji plan razvoja Statističkog poslovnog registra za period 2013-2017., usvojen od sve tri statističke institucije u BiH se uredno provodi. Izvršeno je kompletno prešifriranje poduzetnika/obrnika u SPR-u prema KD BiH 2010. Protokol o razmjeni podataka između Porezne uprave FBiH i Zavoda, kao korisnika Jedinstvenog sistema registracije, kontrole i naplate doprinosa se obostrano poštuje u cjelini.

Metodološka uputstva za vođenje, održavanje i korištenje Registra poslovnih subjekata Zavoda kontinuirano se usklađuju sa pravnom regulativom u FBiH, kao i pravnom regulativom na nivou BiH.

## 1.6. GIS i registar prostornih jedinica

Projekat *“Vektorizacija granica prostornih jedinica, ažuriranje granica prostornih jedinica, formiranje i ažuriranje evidencije ulica i kućnih brojeva, izrada baze podataka registra prostornih jedinica, izrada, priprema za štampu i štampa skica statističkih i popisnih krugova i izrada, priprema za štampu i štampa preglednih karata”* je uspješno i transparentno završen u toku 2013. godine.

Krajnji cilj ovog Projekta je bio da se za Federaciju BiH obezbijede skice statističkih (SK) i popisnih krugova (PK) sa cjelokupnim obilježjima za provođenje Popisa stanovništva, domaćinstva i stanova u Bosni i Hercegovini 2013. godine (u daljem tekstu Popis), i u svrhu uspostavljanja ažurnog Registra prostornih jedinica (RPJ). Rađen je prema Projektom zadatku, a u skladu sa Metodologijom za uvođenje i vođenje jedinstvene evidencije i jedinstvenog RPJ i Tehničkom uputstvu za izradu dokumenata statističkih i popisnih krugova, propisanim od Zavoda i prema Pravilniku o bazi podataka katastra nekretnina od Federalne uprave za geodetske i imovinsko-pravne poslove (FGU).

Međunarodni monitoring o provođenju Popisa (IMO) ocijenio je da su kartografski materijali (skice SK i PK, pregledne karte) i baze podataka prostornih jedinica za potrebe Popisa, izuzetno kvalitetno urađeni i prema odgovarajućim standardima, što omogućava daljnji razvoj RPJ, kao i uporedivost podataka.

Zavod je bio glavni nosilac na izradi kartografske dokumentacije za Popis (u saradnji sa FGU). Podaci katastra nekretnina prevedeni su u digitalni oblik u skladu sa Pravilnikom o bazi podataka katastra nekretnina (“Službene novine FBiH” br. 21/08 i 14/09), kao i ostalim pravnim propisima iz oblasti premjera i katastra nekretnina za čiju je kontrolu u Projektu bila zadužena FGU.

Kartografski materijal je urađen za: 10 kantona, 79 općina, 3.337 naseljenih mjesta, 15.777 popisnih krugova, 5.584 statističkih krugova, 1.471 mjesnih zajednica, 1.807 katastarskih općina, 11.556 ulica (nije konačan podatak).

Uporedo sa projektom Vektorizacije u Zavodu je realizovan i projekat Informacionog sistema za Registar prostornih jedinica. Ovim projektom su

importovani i integrirani podaci dobiveni u projektu Vektorizacije. Definitivna baza RPJ će biti završena kada FGU završi kontrolu i ispravku granica katastarskih općina i općina.

Izvršena je osnovna edukacija i obezbjeđena je mrežna komunikacija sa serverom, a svi programi su licencirani (Oracle baza podataka kao i Oracle Spatial).

Agenciji za statistiku BiH, kao i svim popisnim komisijama, dostavljeni su svi potrebni dokumenti za provođenje Popisa.

Zavod je pripremio: Upustvo za korištenje skica popisnog kruga; Sistematski spisak općina i naseljenih mjesta Federacije BiH; Prezentacije i dokumente iz oblasti kartografije za sve učesnike u Popisu. Kartografsku dokumentaciju za potrebe Popisa radio je svaki entitet pojedinačno za sebe tako da su i svi dokumenti, prezentacije, upustva rađeni zasebno.

Svi zahtjevi za potrebe vanjskih korisnika (državne, federalne, općinske vlasti, javna preduzeća, i sl.) su rješavani na vrijeme.

## **2. Statistika stanovništva i društvene statistike**

### **2.1. Statistika stanovništva i registar**

Statistika rođenih (DEM-1) - izvještajne jedinice su matični i mjesni uredi u općini, broj izvještajnih jedinica 232, broj jedinica posmatranja (izvještaja) 20.312 prema preliminarnim rezultatima. Kao rezultat su se dobili pokazatelji o broju živorođenih i mrtvorodenih, prirodnom priraštaju, vitalnom indeksu, i sl.

Statistika umrlih osoba (DEM-2) - izvještajne jedinice su matični i mjesni uredi u općini, broj izvještajnih jedinica je 232, prema preliminarnim rezultatima broj jedinica posmatranja (izvještaja) je 19.904. Kao rezultat su se dobili pokazatelji o broju i strukturi umrlih osoba, prirodni priraštaj, stopa prirodnog priraštaja, opća stopa smrtnosti, podaci o uzroku smrti, uzroku nasilnih smrti, smrtnost dojenčadi, stopa smrtnosti dojenčadi, prosječna starost umrlih.

Statistika sklopljenih brakova (DEM-3) - izvještajne jedinice su matični i mjesni uredi u općini, broj izvještajnih jedinica je 232, broj jedinica posmatranja (izvještaja) je 12.598 prema preliminarnim rezultatima. Kao rezultat su se dobili pokazatelji o broju sklopljenih brakova prema obilježjima mladoženje i nevjeste, stopa sklopljenih brakova, prosječna starost pri sklapanju braka, i sl.

Statistika razvedenih brakova (RB-1) - izvještajne jedinice su općinski sudovi, broj izvještajnih jedinica je 33, broj jedinica posmatranja (izvještaja) je 1.110 (preliminarni rezultati). Kao rezultat su se dobili pokazatelji o broju razvedenih brakova prema obilježjima muža i žene, stopa razvedenih brakova, prosječna starost pri razvodu braka muža i žene.

Mjesečni pregled upisa u matične knjige (DEM-4) - izvještajne jedinice su matični i mjesni uredi u općini, broj izvještajnih jedinica je 232, broj jedinica posmatranja (izvještaja) je 2.784. Ovi podaci služe za kontrolu obuhvata registrovanih rođenja, smrti i sklopljenih brakova.

Mjesečni pregled vitalnih događaja (DEM-5) - izvještajne jedinice su matični i mjesni uredi u općini, broj izvještajnih jedinica je 232, broj jedinica posmatranja (izvještaja) je 360 godišnje (zbirno DEM1, DEM2 i DEM3).

Procjene broja stanovnika. Sadržaj ove statističke aktivnosti su procjene broja stanovnika prisutnih na teritoriji Federacije BiH po starosti i spolu. Elementi koji se uzimaju u obzir prilikom izrade procjena su svi raspoloživi izvori podataka: podaci vitalne statistike, evidencije prebivališta/boravišta, broj registrovanih glasača prema posljednim izborima i drugi podaci.



Statistika preseljenja stanovništva (unutrašnje migracije). Izvještajna jedinica za ovu aktivnost je Agencija za identifikacione dokumente, evidenciju i razmjenu podataka BiH, a rezultat ovog istraživanja su podaci o broju migranata u okviru FBiH prema području doseljenja/odseljenja, saldo migracije po kantonima i općinama, struktura migracije po općinama, kantonima, starosna i polna struktura. Zavod je učestvovao u definisanju metodologije za provođenje istraživanja o vanjskim migracijama u skladu sa EU standardima i preporukama kroz projekat MDG-F u okviru YERP – Youth Employability and Retention Programme (Program zapošljavanja i zadržavanja mladih u BiH).

## **Popis stanovništva, domaćinstava i stanova u BiH**

Osnovni cilj provođenja Popisa je obezbijediti relevantan skup podataka o broju i teritorijalnoj distribuciji stanovništva u BiH i njegovim demografskim, geografskim, društveno-ekonomskim, kulturološkim i drugim karakteristikama, koji se koriste za pripremu i implementaciju razvojnih planova u svim sferama društvenog i ekonomskog života u BiH. Također, Popisom se prikuplja i značajan fond podataka o broju, vrsti, distribuciji, nastanjenosti, starosti i drugim karakteristikama konvencionalnih stanova i uslovima stanovanja u BiH, kao i podaci o najznačajnijim obilježjima o poljoprivrednim kapacitetima kojima raspolažu i koja koriste individualna domaćinstva. Ti su podaci neophodni za provođenje ekonomskih i socijalnih razvojnih politika, naučnih istraživanja, te korištenje sredstava iz fondova EU i drugih, kao i za druge potrebe. Prema preporukama UN popisi stanovništva se provode svakih deset godina.

Popis se realizira kroz više faza: priprema, prikupljanje podataka, unos prikupljenih podataka, obrada te publikovanje i diseminacija podataka.

### Pravni osnov za provođenje Popisa

Vijeće ministara BiH je 23.01.2013. godine usvojilo prijedlog Zakona o izmjenama Zakona o popisu stanovništva, domaćinstava i stanova u BiH u 2013. godini (u daljem tekstu: Zakon). Predložene izmjene su usvojene od strane Parlamentarne skupštine BiH.

Zakonom (Službeni glasnik BiH broj 18/13) je određen period provođenja Popisa: 01. do 15.10. 2013. godine.

### IMO – Međunarodni monitoring o provođenju Popisa

Vijeće ministara BiH pozvalo je Evropsku komisiju da organizuje međunarodni monitoring Popisa, a nakon toga su Evropska komisija, Vijeće Evrope i Vijeće ministara BiH 18. aprila 2012. godine potpisali Memorandum o razumijevanju kojim je dogovoreno sljedeće: opšti cilj Međunarodne posmatračke operacije (IMO) za Popis jeste posmatranje cjelokupnog Popisa, od pripreme do objavljivanja podataka, kao i zadovoljenja sljedećeg:

- Međunarodnih standarda za popise stanovništva i stanova koje su definisali UNECE i Eurostat, a koje je usvojila Konferencija evropskih statističara kao Preporuke za popis stanovništva i stanova 2010
- Uredbe (EC) br. 763/2008 o popisu stanovništva i stanova i mjere za njeno izvršenje
- Osnovnih načela zvanične statistike, koja je usvojila Statistička komisija UN, kao i Evropski statistički kodeks prakse, koji je proglasila Evropska komisija
- Standarda za zaštitu i povjerljivost podataka, u skladu sa Konvencijom Savjeta Evrope o zaštiti ličnih podataka u pogledu automatske obrade ličnih podataka i relevantnih pozitivnih propisa Evropske unije.

Od aprila 2012. godine do kraja 2013. godine realizovano je ukupno 15 misija IMO tima, od toga 9 misija u 2013. godini.

Za period 16.10.2013. - 15.10.2014. godine EU je obezbijedila nastavak IMO asistencije i potpisala ugovor sa Vijećem Evrope sa namjerom da obezbijedi monitoring sljedećih faza Popisa – obrade podataka i diseminacije.

### EUPHC faza II

Kako je Parlament BiH 26.02.2013. godine usvojio Zakon o izmjenama Zakona o Popisu i zvanično odgodio provođenje Popisa, EUPHC Tim za tehničku pomoć je inicirao adendum za produženje angažmana na projektu Popisa stanovništva u BiH. Zahtjev za produženje je prihvaćen od strane EUD.

### Plan aktivnosti

Centralni popisni biro je 04. februara 2013. godine usvojio Okvirni plan aktivnosti koji je bio osnova za izradu Plana aktivnosti Zavoda, koji je 20. februara 2013. godine dostavljen Agenciji za statistiku (u daljnjem tekstu BHAS) na saglasnost. Oba plana aktivnosti, okvirni i Plan Zavoda, sadrže razradu aktivnosti prema oblastima koje Popis obuhvata: zakonodavstvo i budžet Popisa, izrada kartografskog materijala, metodologija i organizacija provođenja Popisa, javna kampanja, priprema terenskog rada i potrebnog popisnog instrumentarija, priprema centralnog mjesta za obradu podataka, informaciono-komunikacijske tehnologije, razvoj potrebnih aplikacija i sistema praćenja aktivnosti na terenu.

### Kartografija

Jedan od brojnih preduslova za uspješan početak popisnih terenskih aktivnosti bila je izrada kartografske dokumentacije (detaljno je opisano u dijelu "1.6 GIS i registar prostornih jedinica").

### Organi i izvršiocu popisa

Popis u Bosni i Hercegovini su organizovale i provele tri statističke institucije: Agencija za statistiku BiH, Federalni zavod za statistiku i Republički zavod za statistiku Republike Srpske.

Za obavljanje poslova pripreme, provođenja i obrade podataka Popisa formirani su:

- Popisni biro: Centralni popisni biro, Popisni biro Agencije za statistiku BiH, popisni biro entitetskih zavoda za statistiku i Popisni biro Brčko Distrikta BiH
- Kantonalne popisne komisije (u daljem tekstu: KPK)
- Popisne komisije lokalne samouprave (u daljem tekstu PKLS).

Poslovi BHAS-a definisani su članom 20. Zakona. Poslovi entitetskih zavoda za statistiku definisani su članom 21. Zakona.

Na teritoriji Federacije BiH Popis je organizovao i proveo Federalni zavod za statistiku u saradnji sa Federalnim ministarstvom pravde, Federalnim ministarstvom unutrašnjih poslova, Federalnom upravom za geodetske i imovinsko-pravne poslove i jedinicama lokalne samouprave.

U svrhu organizovanja popisivanja osoba koje borave u objektu koji je u nadležnosti Ministarstva za ljudska prava i izbjeglice BiH i Ministarstva sigurnosti BiH, a nalaze se na teritoriji Federacije BiH (Mostar-Salakovac i Kiseljak-Brnjaci) ostvarena je saradnja sa ovim Ministarstvima.

## **Organi Popisa**

### Popisni biro Federalnog zavoda za statistiku

Na osnovu člana 23. Zakona o popisu stanovništva, domaćinstava i stanova u Bosni i Hercegovini („Službene novine Federacije BiH“, broj 14/12), direktor Zavoda je u aprilu 2012. godine donio Odluku o formiranju Popisnog biroa Federalnog zavoda za statistiku koji, i nakon završetka terenskih aktivnosti, nastavlja obavljati poslove u vezi sa Popisom.

### Kantonalne popisne komisije - KPK

KPK su u svom sastavu imale po tri člana, ukupno 30 članova KPK. Zavod je inicirao osnivanje KPK putem dopisa premijerima Vlade kantona. Obavezni članovi komisije bili su načelnici kantonalnih statističkih službi/ureda za statistiku. KPK su, uglavnom, formirane u planiranom roku.

Poslovi KPK definisani su članom 25. Zakona, a razrađeni su u Uputstvu za organizovanje i provođenje Popisa stanovništva, domaćinstava i stanova u BiH 2013. godine na teritoriji Federacije BiH.

### Popisne komisije lokalne samouprave - PKLS

Broj članova PKLS (tri do pet članova) utvrđen je na osnovu procijenjenog broja stanovnika općine. U Federaciji BiH na poslovima Popisa učestvovalo je ukupno 79 PKLS sa 351 članom. Članove PKLS je imenovala općina/grad do 21.06.2013. godine. Poslovi PKLS definisani su članom 26. Zakona.

Zavod je inicirao osnivanje PKLS putem dopisa načelnicima /gradonačelnicima općina/gradova, sa definisanim kriterijima za izbor članova PKLS u pogledu etničke strukture.

Inicijativa za formiranje PKLS bila je u skladu sa Procedurama za izbor popisnih organa i osoblja koje će biti angažovano u Popisu (u daljem tekstu: Procedure), a koje su izradile statističke institucije.

Tokom procesa formiranja PKLS, Zavod je, u okviru svoje nadležnosti, odgovarao na sve upite iz općina i davao potrebna tumačenja Procedure.

## **Izvršioc i Popisa**

### Entitetski instruktori

Izbor i imenovanje entitetskih instruktora za Popis obavljeno je 02.06.2013. godine. Zavod je za Popis angažovao 105 entitetskih instruktora raspoređenih u svaku općinu na teritoriji FBiH; od toga 56 entitetskih instruktora zaposlenika Zavoda i 49 entitetskih instruktora angažovanih vanjskih saradnika, kao i 6 osoba koje su pohađale obuku za entitetske instruktore, a bile su u svojstvu rezerve.

Zadatak entitetskih instruktora bila je obuka angažovanog osoblja (općinskih instruktora i popisivača) kao i nadzor nad primjenom metodoloških i organizacionih uputstava.

### Općinski instruktori i popisivači

„Javni poziv za prijavu kandidata za općinskog instruktora i popisivača“ objavljen je 09. jula 2013. godine i u Javnom pozivu su navedene ključne obaveze, kao i uslovi koje su kandidati za općinske instruktore i popisivače trebali zadovoljiti.

Izbor i imenovanje popisivača i općinskih instruktora su obavile PKLS u skladu sa Procedurama, uz naglašenu koordinirajuću ulogu statističkih institucija. Prednost prilikom izbora popisivača i općinskih instruktora je data

visokoobrazovanim i nezaposlenim osobama, vodeći računa o zadovoljenju kriterija etničke strukture.

Broj i etnička struktura angažovanog osoblja, koja je određena Zakonom i Procedurama, u potpunosti su ispoštovani uz maksimalan napor članova PKLS, KPK i Popisnih biroa statističkih institucija. Zadovoljenje etničke strukture angažovanog osoblja je značajno povećalo troškove provođenja Popisa, iz razloga što je određenom broju popisivača bilo neophodno obezbijediti smještaj i nadoknaditi troškove prevoza iz općine prebivališta do općine angažmana.

### Metodologija i popisni instrumentarij

Popisivanje stanovništva, domaćinstava i stanova počelo je 01.10.2013. godine u 9 sati ujutro, a završeno 15.10.2013. godine u 21 sat, prema stanju na dan 30. 09. 2013. godine u 24,00 sata (ponoć) što se smatra referentnim datumom Popisa. Popis je proveden na teritoriji 142 općine BiH i na 24.319 popisnih krugova, odnosno na teritoriji 79 općina FBiH i na 15.782 popisnih krugova.

Metodološka i ostala uputstva i obrasce pripremale su tri statističke institucije. U julu 2013. godine su, nakon višemjesečnog rada, izrađeni konačni metodološki dokumenti Popisa. Metodološki popisni instrumentarij podrazumijeva sva metodološka i organizaciona uputstva za provođenje Popisa za sve učesnike Popisa uključujući i Uputstvo za popisivanje osoba na privremenom radu i boravku u inostranstvu, kao i osnovne i pomoćne popisne obrasce.

U okviru aktivnosti "Prethodno popisivanje" na teritoriji FBiH obavljeno je popisivanje osoba na izdržavanju kazne zatvora, mjere pritvora ili zavodskih vaspitnih mjera u ustanovama koje su pod neposrednim nadzorom Federalnog ministarstva pravde (u skladu sa članovima 33. i 35. Zakona). Već 23.05.2013. godine Zavod je uputio dopis Federalnom ministarstvu pravde da imenuje koordinatora prethodnog popisivanja u objektima u kojima borave osobe na izdržavanju kazne zatvora, mjere pritvora ili zavodskih vaspitnih mjera. Zadatak koordinatora bio je organizovanje i provođenje Popisa navedenih osoba, a u saradnji sa koordinatom iz Zavoda. Popisivači koji su vršili popisivanje osoba u navedenim objektima su izabrani iz reda zaposlenih osoba u Kazneno popravni zavodima. Instruktaža i obuka popisivača i kordinatora oba entiteta održana je 19. i 20. augusta 2013. godine u prostorijama BHAS-a, a instruktažu popisivača održao je Tim za obuku kojeg su činili metodolozi tri statističke institucije

Popisivanje u objektima Kazneno popravni zavoda na području FBiH obavljeno je na 13 lokaliteta.

### Štampa popisnog materijala

Aktivnosti na pripremi Tehničke specifikacije za štampu instrumentarija Popisa odvijale su se u periodu februar-april 2013. godine. Cjelokupna aktivnost je završena 20.04.2013. godine, a tender za nabavku popisnog materijala je raspisan 22.04.2013. godine. Zahvaljujući izuzetnom angažmanu štamparije, distributera, predstavnika statističkih institucija i popisnih komisija, svi problemi su riješeni u veoma kratkom roku, a sav popisni materijal je uspješno, i u predviđenim količinama, distribuiran na definisana odredišta.

### Štampa ugovora

Zavod je organizovao štampu i potpisivanje ugovora sa angažovanim osobljem (oko 15.000 učesnika). Štampanje ugovora za članove popisnih komisija, općinske instruktore, popisivače trajalo je sedam dana, a podrazumijevalo je štampu, sortiranje, slaganje i organizovanje dostave do popisnih komisija.

### Obuke učesnika popisa

U periodu 12.08. - 16. 08. 2013. godine EUPHC II je organizovao radionicu za pripremu trenera (Tim za obuku) za predstojeće obuke učesnika u Popisu (tri nivoa). Tokom ove radionice radilo se na finalizaciji neophodnih prezentacija koje su se koristile tokom održavanja obuka.

#### *Obuka za državne i entitetske instruktore*

U periodu od 25.08. - 30. 08. 2013. godine Timovi za obuku su održali obuku za 251 državnog i entitetskog instruktora. Ovu obuku je organizovao EUPHC II. Obuka za državne i entitetske instruktore je bila zajednička za cijelu teritoriju BiH i održana je na 5 lokacija (tri u Sarajevu i dvije u Banja Luci). Cilj obuke je bio da se državni i entitetski instruktori obuče za održavanje instruktaze članovima PKLS i općinskim i gradskim instruktorima i za izvršavanje ostalih zadataka u popisu.

#### *Obuka za članove PKLS i općinske i gradske instruktore*

U periodu od 06.09. - 10. 09. 2013. godine EUPHC II je organizovao i obuku članova PKLS i općinskih i gradskih instruktora za cijelu BiH (u FBiH 1.854 instruktora). Entitetski instruktore FBiH održali su petodnevne obuke općinskih instruktora na 105 lokacija u FBiH, po jedinstvenim prezentacijama prilagođenim za ovaj nivo obuke. Nakon obuka kandidati su testirani i općinski instruktore su konačno izabrani.

#### *Obuka za popisivače*

Obuka za popisivače održana je od 16. do 20.09.2013. godine. Obuka je bila u nadležnosti Zavoda i PKLS, i provedena je u 495 centara. Ovaj nivo obuke proveli su općinski i gradski instruktore uz nadzor državnih i entitetskih instruktora.

Član 40. Zakona o popisu definiše popis državljana BiH koji žive u inostranstvu, a imaju prebivalište u BiH i odsutni su duže od 12 mjeseci. Popis ovih osoba obavljen je preko posebnog obrasca za inostranstvo (Popisnica P-1IN) koji je propisao direktor BHAS-a i koji je bio postavljen na web stranicu BHAS-a.

### Promotivne aktivnosti i edukacija šire javnosti

Cilj kampanje bio je podizanje svijesti o Popisu, dodatno educiranje javnosti o metodologiji provođenja Popisa, dobijanje podrške i učešća javnosti u Popisu. To su ujedno bili ključni elementi za osiguranje uspjeha i integriteta procesa. Obzirom da je ovaj dio popisnih aktivnosti finansiran od strane EUPHC, te da ni jedna statistička institucija nije imala uticaja na ubrzanje procesa rada, dugo se čekalo na izbor agencije koja će voditi javnu kampanju. U okviru Strategije javne kampanje planirana je i organizirana obuka rukovodstva statističkih institucija za područje komunikacije.

U skladu sa članom 20. Zakona o popisu stanovništva, domaćinstava i stanova u BiH 2013. godine, a sa ciljem transparentnog rada i pravovremenog informisanja građana o Popisu, BHAS je izradila Protokol o odnosima s medijima. Osmišljen je i dizajniran logo i definisan slogan Popisa "Moj korak u budućnost". Organizovane su tematske i specijalne radio i TV emisije širom FBiH i press konferencije, kao i niz drugih aktivnosti koje su imale za cilj edukaciju šire javnosti o značaju Popisa. Menadžment Zavoda učestvovao je u raznim dijaloškim emisijama i redovno davao izjave u medijima o toku odvijanja terenskih i drugih aktivnosti.

Kako bi se pomoglo građanima BiH u zemlji i inostranstvu da dobiju relevantne informacije o pravima i obavezama, te značaju Popisa, Zavod je već u aprilu 2012. godine otvorio posebnu e-mail adresu namijenjenu samo za potrebe Popisa. Od početka priprema pa do završetka Popisa primljeno je preko 3.000 upita na koje je blagovremeno odgovoreno. Uporedo sa uspostavljanjem e-mail adrese za Popis, u okviru web stranice Zavoda pokrenuta je podstranica Popis2013 koja sadržava sve relevantne informacije neophodne za uspješno provođenje Popisa i koja omogućava interakciju između posjetilaca putem e-maila i foruma.

Pored web stranice Zavoda urađena je i zajednička web stranica za tri statističke institucije. Radne grupe za javnu kampanju iz statističkih institucija su zajednički utvrdile sadržaj i izgled web stranice. Medijski je jednako bila obuhvaćena cjelokupna teritorija BiH.

Od 26. 09. 2013. godine počeo je sa radom i Call centar. U radu ovog Centra učestvovala su tri zaposlenika Zavoda. Call centar se sastojao od: Call centra za građane i Call centra za metodološku podršku terenskog rada, putem kojeg su popisivači i općinski i gradski instruktori mogli da, tokom popisa, traže dodatna pojašnjenja i odgovore na pitanja.

#### Postpopisna anketa (PPA) – kontrolni popis

Postpopisna anketa (PPA) – kontrolni popis provedena je od 02. do 10. novembra 2013. godine ponovnim popisivanjem na uzorku od 240 popisnih krugova, izabranih metodom slučajnog odabira (od toga na 141 popisnom krugu u FBiH, na teritoriji 66 općina). Cilj provođenja PPA je kontrola obuhvata i kvaliteta podataka prikupljenih Popisom.

U skladu sa članom 6. Zakona o Popisu, BHAS je odgovorna za sve faze (uključujući metodologiju, organizaciju, provođenje i analizu rezultata PPA), a prema članu 21. Zakona u PPA učestvovali su i entitetski zavodi za statistiku. Entitetski zavodi za statistiku su sudjelovali u svim pripremama PPA, osim izbora popisnih krugova za PPA uzorak, organizaciji rada na terenu i izboru općinskih i gradskih instruktora i kontrolora.

Za provođenje Postpopisne ankete pripremljena su posebna metodološka i organizaciona uputstva, kao i posebni osnovni i pomoćni popisni obrasci. Prikupljanje i transport materijala PPA na centralno mjesto za obradu podataka obavljeno je 15. i 16. novembra 2013. godine.

#### Objava preliminarnih rezultata popisa

Preliminarni rezultati Popisa objavljeni su na web stranici Zavoda u roku od 90 dana nakon završetka popisivanja, u skladu sa članom 37. Zakona.

Dana 08.11.2013. godine objavljeni su rezultati po općinama FBiH u formi saopćenja. Preliminarne rezultate po općinama i naseljenim mjestima FBiH Zavod je objavio dana 06.12.2013. godine u formi statističkog biltena broj 195.

#### CMIS – Census Management Information System

Kao tehnička podrška Popisu razvijen je informacioni sistem upravljanja Popisom – Census Management Information System (CMIS) sa ciljem da osoblju zaduženom za pojedine aktivnosti omogući upravljanje i praćenje popisnih aktivnosti na terenu.

## Obrada podataka

### *Rekonstrukcija server sale Federalnog zavoda za statistiku*

Radi potrebe smještaja i korištenja serverske opreme za Popis, kao i zaštite podataka Popisa i ostalih statističkih podataka, izvršena je potpuna rekonstrukcija server sale Zavoda. U postojeću server salu se, radi nedostatka minimuma tehničkih preduslova, nije mogla instalirati IT oprema donirana od strane EK. Krajem 2012. i početkom 2013. godine izvršena je analiza svih nedostataka, kao i priprema tehničkih specifikacija za rekonstrukciju server sale.

### Zaštita podataka Popisa i pripreme centralne lokacije za obradu podataka Popisa

Zaposlenici Zavoda su učestvovali u izradi, usaglašavanju i donošenju Protokola o zaštiti podataka Popisa, Politike sigurnosti (Security Policy), kao i drugih dokumenata u cilju što bolje zaštite podataka Popisa. Zaposlenici Zavoda su radili na definisanju tehničke specifikacije za centralnu lokaciju za obradu podataka i učestvovali u radu komisije za tehničko vrednovanje ponuđenih objekata za centralnu lokaciju.

Povrat popisnog materijala u Centralno mjesto za unos, obradu i kontrolu popisnica provedeno je u planiranom roku (od 18. do 21. oktobra). Prilikom prijema materijala u Centralnom mjestu su boravili i predstavnici tri statističke institucije, kako bi se uvjerali u potpunost pristiglog materijala i ustanovili da je sav materijal uskladišten prema dogovorenim procedurama.

U narednom periodu zaposlenici Zavoda će učestvovati u fazi unosa, obrade i kontrole podataka prikupljenih Popisom, zajedno sa zaposlenicima druge dvije institucije.

## **2.2. Statistika tržišta rada**

U oblasti statistike tržišta rada realizovana su sljedeća statistička istraživanja:

Mjesečno statističko istraživanje o zaposlenim i plaćama (Rad-1) - izvještajne jedinice su pravna lica koja posluju na teritoriji FBiH, i koja zapošljavaju 10 i više zaposlenih, sa pripadajućim jedinicama u sastavu. Mjesečni obuhvat Rad-1 istraživanja je 5.600 osnovnih subjekata, sa pripadajućim jedinicama u sastavu obuhvat je 7.800. Rezultat aktivnosti su podaci o broju zaposlenih, prosječnim mjesečnim isplaćenim neto i bruto plaćama, podaci o ostalim primanjima zaposlenih i plaćenim satima rada. Podaci se publikuju za nivo FBiH, kantona i općina.

Godišnje statističko istraživanje o zaposlenim i plaćama (Rad-1G) - izvještajne jedinice su pravna lica koja posluju na teritoriji FBiH, i koja zapošljavaju 10 i više zaposlenih, sa pripadajućim jedinicama u sastavu. Obuhvat Rad-1G istraživanja je 5.600 osnovnih subjekata, sa pripadajućim jedinicama u sastavu obuhvat je 7.800. Rezultat aktivnosti su podaci o broju zaposlenih, prema strukturama (kvalifikaciona, starosna, prema intervalima plaća, vrsti radnog odnosa i dužini radnog vremena), kao i podaci o prosječnim isplaćenim plaćama po polu i prema kvalifikacijama. Podaci se publikuju za nivo FBiH, kantona i općina.

Tromjesečno istraživanje o fizičkim osobama - vlasnicima koji samostalno obavljaju djelatnost-profesiju i o osobama koje su kod njih zaposlene (Rad-15) – podaci se preuzimaju iz evidencija Porezne uprave FBiH. Kvartalni obuhvat je

27.500 obrtnika. Rezultat istraživanja su podaci o ukupnom broju obrtnika-vlasnika i broju zaposlenih u obrtu i slobodnim profesijama.

Podaci preuzimani od ostalih proizvođača zvanične statistike: Federalnog zavoda za zapošljavanje - o broju i strukturi nezaposlenih osoba na području FBiH i Federalnog zavoda PIO/MIO - o prosječnim isplaćenim penzijama i broju penzionera na području FBiH.

Anketa radne snage 2013 - jedinice posmatranja su domaćinstva koja se biraju putem uzorka. Veličina uzorka u 2013. godini bila je 5.996 domaćinstva na teritoriji FBiH. Stopa neodziva je 13,2%. Metodološke postavke ankete su zasnovane na preporukama i definicijama Medunarodne organizacije rada (International Labour Organization - ILO) i zahtjevima Statističke kancelarije EU (European Statistical Office - EUROSTAT), čime je obezbijeđena međunarodna uporedivost podataka u oblasti statistike rada. Putem ove ankete prikupljaju se podaci o osnovnim karakteristikama radno sposobnog stanovništva, na osnovu kojih se vrši procjena ukupne radne snage u zemlji, kao i podaci o demografskim, obrazovnim, socio-ekonomskim i drugim karakteristikama stanovništva. Ovim istraživanjem se obezbjeđuju podaci za izračunavanje stope zaposlenosti, nezaposlenosti, aktivnosti i drugih pokazatelja na tržištu rada. Podaci se publikuju samo za nivo FBiH.

Anketa o troškovima rada 2012 - izvještajne jedinice su pravna lica izabrana uzorkom, iz svih djelatnosti KD BiH 2010, osim poljoprivrede, šumarstva i ribolova; javne uprave i odbrane i obaveznog socijalnog osiguranja. Uzorkom je obuhvaćeno 2.150 pravnih lica. Stopa neodziva je 20,9%. Istraživanje se provodi u četvorogodišnjoj dinamici, i provedeno je u periodu septembar-oktobar 2013. godine, za 2012. godinu. Anketa je pripremljena u skladu sa regulativama Eurostata, i obezbjeđuje podatke o veličini i strukturi ukupnih troškova koje poslodavac plaća za zaposlenika. Troškovi rada se izračunavaju prema izvršenom satu rada i zaposlenoj osobi. Podaci se publikuju samo za nivo FBiH.

Podaci o zaposlenosti, nezaposlenosti i prosječnim mjesečnim isplaćenim neto i bruto plaćama publikuju se na web stranici Zavoda u vidu saopćenja, u biltenu „Mjesečni statistički pregled Federacije BiH”, u mjesečnim pregledima po kantonima, statističkom godišnjaku i godišnjim publikacijama „Zaposlenost, nezaposlenost i plaće”. Svi rokovi za prikupljanje, obradu, publikovanje i dostavljanje podataka su ispoštovani.

## **2.3. Statistika razvoja društva**

### **Statistika obrazovanja**

Sva istraživanja iz oblasti statistike obrazovanja su izvršena u skladu s Planom i svi prikupljeni podaci su obrađeni i publikovani u predviđenim rokovima.

Predškolsko obrazovanje - prikupljeni su podaci o broju i vrsti predškolskih ustanova, broju djece i broju zaposlenih, godišnjim izvještajem sa stanjem 30. septembra. Broj izvještajnih jedinica je 145 obdaništa i jaslica, a istraživanjem se prikupljaju podaci o broju ustanova razvrstanih na javne i privatne, broju djece prema spolu, godini rođenja, zaposlenosti roditelja kao i o zaposlenim u tim ustanovama.

Osnovno i srednje obrazovanje – izvještajna jedinica za osnovno obrazovanje je svaka redovna osnovna škola koja radi, osnovna škola sa posebnim potrebama kao i umjetničke škole. Broj izvještajnih jedinica na kraju školske godine je bio 1.159, a na početku školske godine je 1.156. Izvještajne jedinice za istraživanje srednjih škola su redovne srednje škole (samostalne i



mješovite), vjerske škole i škole sa posebnim potrebama. Broj izvještajnih jedinica je 213. Istraživanjima za osnovno i srednje obrazovanje su prikupljeni podaci o broju škola, broju odjeljenja, ukupnom broju učenika, broju učenika koji su završili školu i razred i broju nastavnog osoblja.

Statistika visokog obrazovanja – izvještajne jedinice su visokoškolske ustanove koje čine univerziteti i visoke škole. Organizacione jedinice univerziteta su: fakulteti, akademije, visoke škole ili naučni instituti. Podaci su prikupljeni od 108 izvještajnih jedinica, i to o broju upisanih i diplomiranih studenata, magistara, doktora i nastavnog osoblja. Aktivnosti koje su provedene: unos, distribucija, izmjene obrazaca i priprema saopćenja, biltena, kodeksa za upisane, diplomirane studente, magistre i doktore nauka, nastavno osoblje i priprema godišnjaka iz oblasti visokog obrazovanja.

Naučnoistraživački rad - izvještajne jedinice su subjekti koji se bave naučnoistraživačkim radom iz poslovnog sektora (obrazac IR-1, 160 izvještajnih jedinica), iz sektora visokog obrazovanja (obrazac IR-2, 106 izvještajnih jedinica) i subjekti iz državnog sektora (IR-3, 143 izvještajne jedinice). Ovim istraživanjem su prikupljeni podaci o broju ljudi koji se bave naučnoistraživačkim radom, broju istraživačko-razvojnih radova i utrošenim sredstvima. Aktivnosti koje su provedene: izmjena i distribucija obrazaca, analiza i publikovanje prikupljenih podataka.

Inovativne aktivnosti preduzeća (pilot istraživanje, obrazac INOV) – sprovodi se svake dvije godine. Izvještajne jedinice se dobivaju putem uzorka. Broj izvještajnih jedinica je 400. S obzirom da se radilo o pilot istraživanju, prikupljeni podaci nisu publikovani.

## **Statistika pravosuđa**

Statistikom pravosuđa prikupljeni su podaci o prijavljenim, optuženim i osuđenim počiniteljima krivičnih dijela, a od 2012. godine su obuhvaćene i žrtve krivičnih dijela. Urađena je analiza i publikovanje podataka. Statistički upitnici iz oblasti pravosuđa su: za punoljetnu osobu (SK-1, SK-2); za maloljetnu osobu (SK-3, SK-4) i privredni sporovi (SPS-11). Izvještajne jedinice su: 10 kantonalnih tužilaštava za istraživanja SK-1 i SK-3, općinski i kantonalni sudovi (10 kantonalnih i 30 općinskih sudova) za istraživanja SK-2 i SK-4 i 30 općinskih sudova za istraživanje SPS-11.

Statistika izbora obuhvata sastav općinskih vijeća u FBiH izabranim na općinskim izborima u 2012. godini, podaci su publikovani u 2013. godini.

## **Statistika kulture**

Sva istraživanja koje se odnose na statistiku kulture su izvršena u skladu s Planom i svi prikupljeni podaci su obrađeni i publikovani.

U oblasti kulture, u toku 2013. godine prikupljeni su sljedeći podaci:

- za radio i televiziju prikupljeni su podaci o broju stanica, vrsti i porijeklu programa i zaposlenim (115 izvještajnih jedinica)
- za pozorišta su prikupljeni podaci o vrsti, broju predstava, vrsti izvedenih djela i zaposlenim (18 izvještajnih jedinica)
- za kina su prikupljeni podaci o predstavama, posjetiteljima i zaposlenim (35 izvještajnih jedinica)
- za galerije su prikupljeni podaci o vrsti izložbe, izlagačima, posjetiteljima i zaposlenim (14 izvještajnih jedinica).

## **Statistika socijalne zaštite**

U oblasti statistike Socijalne zaštite izvještajne jedinice su centri za socijalni rad, domovi za djecu i omladinu, ustanove za djecu i omladinu koje imaju smetnje u psiho-fizičkom razvoju, ustanove za maloljetnike društveno neprihvatljivog ponašanja, ustanove za odrasle invalidne osobe i ustanove za odrasle starije osobe (191 izvještajna jedinica). Istraživanjem su prikupljeni podaci o broju centara i domova, broju korisnika, vrsti usluga i oblicima razvrstano po starosti i kategorijama korisnika. Takođe se posmatraju i zaposleni u centrima odnosno domovima. Svi prikupljeni podaci su obrađeni i publikovani u godišnjem biltenu „Socijalna zaštita – skrb u Federaciji BiH”.

Rađeno je i na projektu ESSPROS-a (Evropski sistem statistike socijalne zaštite). Ovo istraživanje je još uvijek u fazi razvoja.

## **Zdravstvo i zaštita**

U skladu sa Planom, u okviru redovnog istraživanja Statistike javnog zdravstva, u 2013. godini administrativno su preuzeti podaci u obliku tabela od Zavoda za javno zdravstvo koji su publikovani u Statističkom godišnjaku za 2013. godinu.

*Implementacija sistema zdravstvenih računa (NHA)* - Zavod je imao predstavnike u radnoj grupi za uspostavu Smjernica za NHA za BiH. Smjernice su usvojene u toku 2013. godine. Potpisan je Protokol o saradnji sa FZZOIR, i sa Federalnim ministarstvom zdravlja. Izvještaj za Svjetsku zdravstvenu organizaciju (World Health Organization - WHO) i Eurostat za 2012. godinu radiće se u saradnji sa konsultantima koji su učestvovali u izradi Smjernica i reviziji podataka za prethodni period.

## **Gender statistika**

Zavod je bio član radne grupe pri izradi Strategije za prevenciju i borbu protiv nasilja u porodici (2013-2017). Rađene su završne aktivnosti čišćenja baza podataka pri provođenju vanrednog istraživanja o kvalitetu života i zdravlju žena u BiH.

### **2.4. Statistika životnih uslova**

#### **Anketa o potrošnji domaćinstava**

U 2013. godini su objavljeni konačni rezultati Ankete o potrošnji domaćinstava koja je provedena u 2011. godini. Anketom su dobijeni podaci o izdacima za potrošnju, potrošnji iz vlastite proizvodnje, prihodima i osnovnim socio-ekonomskim uslovima u kojim domaćinstva žive, podaci o životnom standardu kao i podaci o osnovnim demografskim, ekonomskim i socijalnim karakteristikama domaćinstava. Anketa je proširena za module tipa EU-SILC ankete, što je osiguralo podatke za relevantnu analizu socijalne uključenosti u BiH.

### 3. Ekonomske statistike

#### 3.1. Statistika nacionalnih računa

Odsjek za statistiku nacionalnih računa realizovao je sve aktivnosti definisane Planom. Provedeno je osam istraživanja i prikupljeno ukupno 47.565 izvještaja, izvršena kontrola, unos i obrada podataka. U toku 2013. godine provedena su sljedeća istraživanja:

- Statistički aneks godišnjeg računovodstvenog izvještaja (StatAneks) kojim su prikupljeni podaci (prihodi, rashodi, zalihe) od pravnih osoba koje knjigovodstvo vode po kontnom planu za preduzeća; podaci su prikupljeni za 20.066 preduzeća;
- Godišnji obračun bruto vrijednosti proizvodnje i dodane vrijednosti poljoprivrede privatnog sektora bez pravnih osoba-poljoprivredna gazdinstva (DV-POLJ), kojim su od općina prikupljeni podaci o poljoprivrednoj proizvodnji domaćinstava na teritoriji općine; podaci su prikupljeni za 78 općina, u obračun dodane vrijednosti u Odsjeku za statistiku nacionalnih računa su obuhvaćene sve općine na teritoriji FBiH;
- Godišnji obračun bruto vrijednosti proizvodnje i dodane vrijednosti fizičkih osoba koje samostalno obavljaju djelatnost (DV-DZ), kojim su prikupljeni agregirani podaci od Ispostava porezne uprave u općinama za obrtnike na nivou oblasti (KD BiH 2010); podaci su prikupljeni za 79 općina;
- Godišnji izvještaj za obračun dodane vrijednosti za budžetske korisnike i vanbudžetske fondove - Godišnji računovodstveni iskazi (Račun prihoda i rashoda, Bilans stanja, Iskaz o kapitalnim izdacima i finasiranju, Posebni podaci o plaćama i broju zaposlenih); podaci su prikupljeni za 1.407 budžetska korisnika;
- Godišnji izvještaj za obračun dodane vrijednosti za udruženja i druge neprofitne organizacije - Godišnji računovodstveni iskazi (Bilans uspjeha i Posebni podaci o plaćama i broju zaposlenih); podaci su prikupljeni za 63 udruge i 2 neprofitna fonda;
- Godišnji izvještaj banaka i drugih finansijskih organizacija (DV-B) kojim su prikupljeni podaci za 19 banaka;
- Godišnji izvještaj osiguravajućih i reosiguravajućih društava (DV-OS) kojim su prikupljeni podaci za 14 osiguravajućih i reosiguravajućih društava;
- Godišnji izvještaj o investicijama (INV-01), kojim su prikupljeni podaci o isplatama za investicije u stalna sredstva, ukupno ostvarenim investicijama i ostvarenim investicijama u nova stalna sredstva za sve vrste pravnih subjekata; izvještaji su prikupljeni za 25.836 pravnih subjekata, od kojih je 11.586 pravnih subjekata imalo investicije.

Na osnovu prikupljenih podataka izvršen je obračun Bruto domaćeg proizvoda (BDP) po proizvodnom pristupu u tekućim i stalnim cijenama, BDP-a po dohodovnom pristupu u tekućim cijenama i investicija u stalna sredstva za FBiH za 2012. godinu, prema KD BiH 2010.

Prikupljeni podaci su korišteni i kao inputi za obračun BDP-a prema rashodnom pristupu za nivo Bosne i Hercegovine (obračun rashodnog BDP-a je u nadležnosti Agencije za statistiku BiH).

Pored obračuna makroekonomskih agregata za 2012. godinu, kao redovnih tekućih aktivnosti, izvršen je preračun serije podataka o BDP-u za period 2007-2011. godina, u skladu sa KD BiH 2010.

Izvršen je i preračun serije podataka o investicijama u stalna sredstva u Federaciji BiH za period 2007-2011. godina, u skladu sa KD BiH 2010.

U okviru regionalnog projekta „Izgradnja kapaciteta za održivu kompilaciju statističkih podataka realnog sektora u Istočnoj Evropi”, koji se realizuje u saradnji sa Međunarodnim monetarnim fondom, Odsjek za statistiku nacionalnih računa izvršio je procjene kvartalnog BDP-a po proizvodnom pristupu za FBiH za period 2006 - 2012. godine u tekućim cijenama, cijenama prethodne godine i u cijenama 2005. godine prema KD BiH 2006. Podaci su putem Saopćenja publikovani u junu 2013. godine.

U drugoj polovini godine nastavljene su aktivnosti u okviru Projekta. Izvršena je procjena kvartalnog BDP-a za period 2008 - 2012., kao i procjene za prvi, drugi i treći kvartal 2013. godine, u tekućim cijenama, cijenama prethodne godine i cijenama 2010. godine prema KD BIH 2010. Podaci su publikovani krajem januara 2014. godine.

Podaci statistike nacionalnih računa (BDP po proizvodnom i dohodovnom pristupu, kvartalni BDP, investicije u stalna sredstva) su publikovani u vidu sedam Saopćenja i dva Godišnja tematska biltena, u skladu sa rokovima utvrđenim Planom publikovanja. Takođe, u Mjesečnim statističkim pregledima FBiH publikovani su prvi rezultati godišnjih obračuna BDP-a i investicija u stalna sredstva. Pripremljeni su podaci za Godišnjak 2013 – dio za BDP i dio za investicije u stalna sredstva.

### **3.2. Statistika cijena**

U skladu sa Planom, u okviru statistike cijena uspješno su provedene sve planirane aktivnosti putem mjesečnih statističkih istraživanja, a u cilju izrade najznačajnijih kratkoročnih indikatora iz oblasti statistike cijena.

Na osnovu cijena prikupljenih od proizvođača industrijskih proizvoda urađeni su mjesečni indeksi cijena proizvođača industrijskih proizvoda (PPI) koji se prodaju na domaćem tržištu, na inostranom tržištu i ukupni indeksi cijena proizvođača industrijskih proizvoda.

Putem obrasca C-41/dom, od 280 izvještajnih jedinica koje proizvode i prodaju industrijske proizvode na domaćem tržištu, mjesečno se prikupljalo oko 1.090 pojedinačnih cijena. Prikupljene cijene su služile da se izračunavaju indeksi cijena proizvođača insustrijskih proizvoda na domaćem tržištu.

Putem obrasca C-41/ino su se prikupljale cijene proizvoda koje izvještajne jedinice proizvode na teritoriji FBiH i prodaju na inostranom tržištu. Obuhvaćeno je 216 izvještajnih jedinica i mjesečno se prikupljalo oko 590 pojedinačnih cijena koje su služile za izračun Indeksa cijena proizvođača industrijskih proizvoda na inostranom tržištu.

Za izračunavnje Ukupnog indeksa cijena proizvođača industrijskih proizvoda korištene su cijene prikupljene gore navedenim obrascima.

Indeksi su publikovani po KD BiH 2010 prema kojoj se poslovni subjekti razvrstavaju u područja B,C,D i E i Nomenklaturi industrijskih proizvoda (NIP BiH 2010).

U toku 2013. godine, izvršen je preračun serije indeksa cijena proizvođača po KD BiH 2010 na domaćem tržištu za period 2007-2011. godina, kao i rebaziranje istih za period 2007-2012. godina.

Za potrebe izrade indeksa potrošačkih cijena (CPI), kao indikatora inflacije, prikupljale su se cijene proizvoda i usluga lične potrošnje u 864 prodajna mjesta u Sarajevu, Tuzli, Zenici, Mostaru i Bihaću. Mjesečno se prikupljalo oko 10.390 pojedinačnih cijena. Cijene u prodajnim objektima snimaju ovlašteni uposlenici Zavoda.

Indeksi cijena proizvođača industrijskih proizvoda, (ukupan indeks, indeks na domaćem tržištu i indeks na inostranom tržištu) i indeksi potrošačkih cijena (CPI) svakog mjeseca su publikovani u vidu saopćenja na web stranici Zavoda, kao i u redovnom Mjesečnom statističkom pregledu FBiH, u skladu sa rokovima publikovanja.

Iz podataka o kretanju cijena proizvođača industrijskih proizvoda (PPI) i potrošačkih cijena (CPI) urađeni su i koeficijenti rasta cijena koji se mjesečno objavljuju u Službenim novinama FBiH.

Za potrebe proizvodnje PPI i CPI indikatora u mjesečnoj dinamici prema zajedničkoj metodologiji usvojenoj od strane sve tri statističke institucije u BiH i usklađenoj sa EU standardima i regulativama, omogućena je kompilacija ovih indeksa za nivo BiH.

### **III Administrativna i tehnička podrška**

#### **1. Publicistika i diseminacija**

*Odsjek za publicistiku* je u izvještajnom periodu izvršio sve aktivnosti predviđene Planom. U cilju pravovremenog informiranja domaćih i međunarodnih korisnika statističkih informacija, publikovan je veliki broj statističkih izdanja (Prilog 3). Sva statistička izdanja su pripremljena i objavljena na web stranici Zavoda. Paralelno s tim je vršena i štampa statističkih publikacija i distribucija korisnicima elektronskom poštom ili dostavom na kućnu adresu. Također su započete pripreme na redizajniranju postojeće web stranice. Grupa za štampu i umnožavanje je u izvještajnom periodu uradila sve Planom predviđene aktivnosti, kao i niz vanrednih koje je diktirao Popis.

*Odsjek za odnose sa javnošću i biblioteku* je imao kontinuiranu saradnju sa korisnicima u cilju boljeg zadovoljavanja zahtjeva korisnika i potreba tržišta za statističkim podacima. Praćenje zadovoljstva korisnika je jedan od bitnih uslova u osiguranju kvalitetnih statističkih podataka u skladu sa Kodeksom prakse Zavoda i EU statistike.

Provedena je Anketa o zadovoljstvu korisnika sa statističkim podacima i uslugama Zavoda, gdje su korisnici dali svoje mišljenje, primjedbe i prijedloge za poboljšanje istih. Anketa je provedena putem upitnika na web stranici Zavoda, a izvještajne jedinice su bili razni korisnici statističkih podataka (fizička i pravna lica). Primjedbe i prijedlozi dati u Anketi su analizirani u cilju poboljšanja budućeg rada. Prema rezultatima ankete o zadovoljstvu korisnika preko 80% anketiranih ocijenilo je da su podaci Zavoda pouzdani, dok je svega 2,17% anketiranih izjavilo da su podaci nepouzdana.

U izvještajnom periodu primljen je 421 korisnički zahtjev. Od ukupnog broja primljenih zahtjeva urađeno je i dostavljeno 395 ili 93,8%. Broj zahtjeva koje nije bilo moguće uraditi je 26 ili 6,2% (nije se raspolagalo podacima ili se radilo o individualnim podacima izvještajnih jedinica). Vođena je evidencija korisničkih zahtjeva prema: vrsti korisnika, datumu prijema zahtjeva, složenosti zahtjeva, datumu obrade i dostavljanja zahtjeva i vrsti podataka. Svi zahtjevi su

urađeni u zakonom propisanom roku . Zahtjevi korisnika i odgovori na zahtjeve su vršeni pretežno putem e – maila oko 80% i 20% putem pošte i faxes. Redovni korisnici statističkih podataka su pravne i fizičke osobe u zemlji (vlade i druge državne institucije, banke, privredne komore, novinari, firme, udruženja, stranke, profesori, studenti i dr.) i inozemstvu (MMF, Svjetska banka, ambasade i dr.).

Urađen je i preveden znatan broj dopisa i izvještaja, vršeno je lektorisanje materijala, praćenje bibliotečkih kretanja od interesa za statističku službu i obrada bibliotečke građe. Biblioteka je poluotvorenog tipa i u toku godine je preko dvjesto korisnika iz cijelog svijeta koristilo postojeću bibliotečku građu i pomoć zaposlenih.

*Grupa za štampu i umnožavanje je realizovala sljedeće:*

- Bilteni (51 naslov, 8.010 primjeraka, 462.770 otisaka u A3 formatu ili 231.385 A3 papira)
- Obrasci A3 (276.223 komada, 552.446 otisaka u A3 formatu)
- Obrasci A4 (449.907 komada, 899.814 otisaka u A4 formatu)
- Fotokopiranje materijala za koje se ne otvaraju radni nalozi 33.785 primjeraka (razne vrste knjiga-programi i planovi, službeni listovi, porezni savjetnici, materijali sa seminara, anketa, kurseva itd.) a sve za potrebe uposlenika Zavoda
- Printanje A3 formata, uvezivanje spiralnog uveza za koje se ne otvaraju radni nalozi
- Povez i uvezivanje svih odštampanih biltena i uputstava
- Formatiziranje i razrezivanje papira iz formata A3 na određene formate štampanih obrazaca
- Povez i drugih knjiga i materijala za koje se ne otvaraju radni nalozi a za potrebe uposlenika Zavoda

## **2. Pravni, kadrovski, finansijsko-računovodstveni i opći poslovi**

Federalni zavod za statistiku je u toku 2013. godine, na osnovu Zakona o klasifikaciji zanimanja u FBiH, pripremio i Vladi Federacije Bosne i Hercegovine dostavio Odluku o klasifikaciji zanimanja u FBiH. Pripremljen je Prijedlog Pravilnika o unutarnjoj organizaciji Federalnog zavoda za statistiku, kojim je izvršeno usklađivanje Pravilnika sa izmjenama Zakona o državnoj službi u FBiH i podzakonskim aktima donesenim na osnovu ovog Zakona, a na koji je Vlada FBiH dala saglasnost 13.06.2013.godine.

U toku 2013. godine, proveden je veliki broj postupaka javnih nabavki u skladu sa Zakonom o javnim nabavkama BiH, među kojima su i nabavke za potrebe Popisa. Kroz postupke javnih nabavki izvršena je nabavka računarske opreme i softvera, te je zaključen i veliki broj ugovora.

U toku 2013. godine je, u skladu sa finansijskim mogućnostima, izvršeno poboljšanje uslova rada zaposlenika Zavoda.

Izvršeni su radovi na izmjeni dotrajalih prozorskih okvira na jednoj strani zgrade Zavoda, čime je završen ovaj izuzetno važan projekat. Finalizacijom ovog projekta će se ostvariti značajne uštede po osnovu troškova za grijanje.

U toku izvještajnog perioda pripremljen je veliki broj pojedinačnih akata iz djelokruga rada Zavoda (rješenja o godišnjim odmorima, godišnjim ocjenama zaposlenika, rješenja o plaćenom i neplaćenom odsustvu, rješenja o plaćama, odluka, odobrenja).

Sudski postupak po tužbi Agencije za statistiku Bosne i Hercegovine u predmetu rješavanja imovinsko-pravnih odnosa poslovnog prostora u Sarajevu pred Općinskim sudom u Sarajevu je obustavljen do završetka postupka koji se vodi pred nadležnim organom općine Stari Grad po ovom predmetu. U toku izvršnog postupka uknjižbe prava vlasništva nad poslovnim prostorom u Mostaru pokrenutim 2012. godine po presudi Kantonalnog suda Heregovačko-neretvanskog kantona, odbijen je zahtjev Zavoda za uknjižbu iz razloga što je Velmos izvršio prenos prava vlasništva na drugu firmu, a zbog čega smo dana 03.07.2013. godine bili prinuđeni pokrenuti tužbu za oglašenje ništavim ugovora o kupoprodaji. Pripremno ročište po ovoj tužbi još uvijek nije zakazano.

U toku izvještajnog perioda vršeno je zastupanje Zavoda pred Općinskim sudom u Sarajevu u velikom broju tužbenih zahtjeva iz oblasti radnih odnosa, a po navedenim tužbama donesen je veliki broj presuda.

Osoblje za provođenje anketnog istraživanja o radnoj snazi (ARS 2013), je angažovano blagovremeno, te su pripremljena i sva ostala prateća akta i izvršeni svi poslovi potrebni za realizaciju istraživanja.

Zavod je na osnovu Odluke Vlade FBiH sklopio Sporazume o transferu sredstava općinama na teritoriji FBiH, za potrebe organizovanja i provođenja Popisa.

U Odsjeku za *finansijsko-računovodstvene poslove* svi planirani zadaci u 2013. godini su obavljani u propisanim rokovima.

Aktivnosti vezane za planiranje budžeta:

- Izrada mjesečnih i tromjesečnih operativnih planova
- Izrada trogodišnjeg plana budžeta u dvije faze (po programima i po ekonomskim kategorijama)
- Priprema zahtjeva za preraspodjelu budžeta

Aktivnosti koje se odnose na obavezno informisanje:

- Izrada završnih računa za ukupan budžet
- Izrada završnih računa za posebno otvorene podračune (Proširena anketa o potrošnji domaćinstava – EHBS 2011 i Plan za provođenje anketnog istraživanja „Nasilje nad ženama”)
- Periodični tromjesečni obračuni
- Izrada internih izvještaja
- Izvještaji za Poreznu upravu po osnovu isplata redovne djelatnosti i po osnovu povremene samostalne djelatnosti
- Mjesečni izvještaji MIP-1023 i godišnji izvještaj GIP-1022
- Zbirni godišnji izvještaji za isplate po osnovu povremenih samostalnih djelatnosti

U Odsjeku su se obavljale i sljedeće tekuće aktivnosti u utvrđenim rokovima:

- Svi poslovi vezani za obračun plaća i kredita
- Vođenje evidencije stalnih sredstava
- Obračun i knjiženje amortizacije i rashoda
- Vođenje blagajničkog dnevnika
- Knjiženje akontacija za entitetske instruktore (Popis)
- Kontrola izvještaja o plaćanju dobavljačima
- Evidencija o stvorenim i izmirenim obavezama
- Izrada popisnih lista stalnih sredstava

- Dostava otvorenih stavki dobavljačima
- Knjiženja poslovnih promjena
- Evidencije u pomoćnim knjigama
- Uredno vođenje i knjiženje potraživanja od kupaca, i potraživanja po osnovu bolovanja preko 42 dana

Odsjek je bio uključen u sve aktivnosti vezano za finansiranje Popisa. Plaćanje učesnika popisa se odvijalo iz dva izvora sredstava (Grant EU i budžet Zavoda).

### 3. Informaciono - komunikacione tehnologije i statističke metode

#### 3.1. Informacioni sistem i tehnička podrška

U cilju poboljšanja pouzdanosti, sigurnosti i funkcionalnosti informacionog sistema, u toku protekle godine nastavljene su aktivnosti na potpunoj rekonstrukciji informacionog sistema kao i kompletnoj rekonstrukciji server sale Zavoda.

Poboljšanja se ogledaju u sljedećem:

- Radi potrebe smještaja i korištenje serverske opreme za Popis kao i zaštite podataka Popisa, ali i ostalih statističkih podataka, izvršena je potpuna rekonstrukcija server sale Zavoda. Uposlenici Odsjeka uradili su kompletan projekat, tendersku specifikaciju i izvršili nadzor nad svim radovima na rekonstrukciji.
- Uveden je novi optički link za pristup internetu (BackUp link) brzine 10Mbps, čime je značajno povećana pouzdanost IT sisteme Zavoda, kao i raspoloživost internet servisa. Povećana je i brzina pristupa internetu glavnog optičkog linka sa 8Mbps na 20Mbps. Znatno su povećani kapaciteti hosting pakete koji koristi Zavod. Kapacitet mail boxa je povećan sa 80MB na 200MB.
- Izvršena je ugradnja novog Routera ASA 5505 i uspostavljen je VPN konekcije između Zavoda i Federalnog ministarstvo finansija. Navedenim je znatno povećana brzina prenosa podataka, čime je riješen problem u brzini rada aplikacije trezorskog poslovanja.
- U server sali Zavoda je izvršena instalacija IT opreme namijenjena Popisu. U server sali je instalirana sljedeća oprema:

Br.	Opis	Količina
1.1	Blade chassis – IBM BladeCenter H chassis	1
1.2	Blade server – IBM BladeCenter HS22	8
1.3	Server - rack mount	1
1.4	Backup, restore and replication appliance – Server IBM X3650 M3	1
1.5	Storage IBM DS 3950	1
1.6	RACK 42U- IBM Rack ormar	1
1.7	IBM UPS 5000 HV	1
1.8	Router- Cisco ISR2921	2



Osim navedenog vršene i sljedeće aktivnosti:

- Administracija svih komponenti IT sistema Zavoda
- Provođenje konstantnih aktivnosti na zaštiti podataka i sigurnosti informacionog sistema
- Administriranje mreže kroz instaliranje i konfigurisanje mrežne infrastrukture
- Definiranje nabavke potrebne IT opreme, softvera i drugih alata
- Provođenje različitih mjera na unapređenju i poboljšanju IT sistema
- Pomoć zaposlenicima Zavoda u korištenju IT tehnologija

### **3.2. Statističke metode i koordinacija**

U 2013. godini podržani su organizovanje, provođenje i evaluacija statističkih istraživanja baziranih na uzorku; napravljeni su godišnji plan rada Zavoda i izvještaji planiranja i provođenja statističkih istraživanja; planirana strategija rada i koordinirana komponenta vezana za statističke metode u međunarodnim projektima; podržani priprema, organizacija i provođenje Postpopisne ankete.

U okviru rada na statističkim istraživanjima baziranim na uzorku radilo se na pripremi okvira uzoraka, izradi uzoraka, analizi i editovanju podataka, statističkim procjenama i analizama rezultata, pripremanju metodoloških dokumenata i rezultata za istraživanja: Anketa o troškovima rada, Anketa o radnoj snazi, Anketa o turističkim putovanjima, Postpopisna anketa, Proširena anketa o potrošnji domaćinstava, Strukturne poslovne statistike, Statistika distributivne trgovine, Statistika trgovine na malo.

Izrađeni su Izvještaj o radu Federalnog zavoda za statistiku za 2012. godinu, Plan aktivnosti i rokovi statističkih istraživanja u 2013. godini i Prijedlog Plana provođenja statističkih istraživanja od interesa za FBiH za 2014. godinu.

U sklopu SIDA-nih projekata pomoći razvoju statističkog sistema u BiH organizovana je i provedena obuka zaposlenika na temu vezanu za statistički proces, i učestvovalo se s pripremljenim statističkim radovima na konferencijama.

Podržana je izrada popisnih obrazaca i metodoloških uputstava i svih ostalih metodoloških dokumenata za Postpopisnu anketu, čiji cilj je ocjena kvaliteta i obuhvata Popisa provedenog u 2013. godini.

### **3.3. Razvoj aplikacija za unos podataka**

Odsjek pokriva većim dijelom postojeća statistička istraživanja aplikativnim softverom, tj. aplikacijama za unos i obradu podataka.

Za potrebe *Ekonomskih statistika* u 2013. godini izvršena je izmjena projekata vezana za statistiku cijena. Početkom godine su izvršene pripreme aplikacije za računanje indeksa cijena proizvođača industrijskih proizvoda na domaćem i stranom tržištu i ukupnog indeksa cijena proizvođača industrijskih proizvoda. U sklopu *Statistike stanovništva i društvenih statistika* aplikacije unosa su prilagođene unosu mjesečnih i godišnjih istraživanja, kao i potrebama istraživačkih odjeljenja (promjene dizajna tabela, kontrole, upiti, izvještaji, šifarnici i sl.). Za potrebe *Poslovnih statistika* u 2013. godini započete su promjene na projektu IND-21, tj. izmjena aplikacije za novu NIP BiH 2012 kao i promjena izgleda obrasca (nova dodatna polja) i izrada dodatnih izvještaja. U 2013.

godini radila se imputacija, računanje izvedenih varijabli i indikatora, kao i obrada podataka Strukturnog poslovnog istraživanja.

Permanentno su rađene korekcije i održavanje postojećih aplikacija, kao i rješavanje svih zahtjeva koji su proslijeđeni prema IT odsjeku, bilo iz Zavoda ili izvan njega, a po instrukcijama istraživačkih odjeljenja.

U okviru Popisa, Odsjek je kroz radne grupe aktivno učestvovao na testiranju aplikacija vezanih za Popis, kao i stručne podrške učesnicima u Popisu kroz CMIS- sistem.

Odsjek je dao informatičku podrška na anketi ARS 2013 (Anketa radne snage) i ATR (Anketa o troškovima rada), Proširenoj anketi o potrošnji domaćinstava (EHBS) kroz faze editovanja i imputacije, kao i svim aktivnostima vezanim za saradnju sa Agencijom za statistiku BiH i dostavom podataka.

### **3.4. Razvoj baza podataka, podrška diseminaciji i unos podataka**

Razvoj sistema diseminacionih baza podataka – Zavod je u saradnji sa statističkim institucijama u BiH (Agencija za statistiku BiH i Zavod za statistiku Republike Srpske) usuglasio i prihvatio korištenje softvera za diseminaciju podataka – PC-Axis, koji je u saradnji sa danskim ekspertima kroz IPA Twinning 2008 projekt prilagođen potrebama BiH tržišta.

Razvoj sistema meta podataka – u decembru 2013. godine završen je IPA Twinning projekt koji je uključivao i komponentu za razvoj sistema metapodataka u statističkim institucijama u BiH. Rezultat projekta je strategija implementacije navedenog sistema i kratak akcioni plan u vidu smjernica za buduće djelovanje. Osim sistema metapodataka, ova komponenta IPA Twinning projekta je uključivala i inicijalni model baze podataka klasifikacionog servera.

Podrška za provođenje ankete o zadovoljstvu korisnika – implementirana aplikacija bazirana na Open source tehnologiji, čija je namjena provođenje ankete o zadovoljstvu korisnika, se kontinuirano održava.

Osim navedenog, pristupilo se i integrisanju baza podataka za određena statistička istraživanja (integrisanje baza podataka od više godina u jednu jedinstvenu bazu podataka), te osigurana tehnička podrška statističkim odsjecima.

## **IV Kantonalne službe i uredi**

U području statističke djelatnosti prikupljanja statističkih podataka od izvještajnih jedinica, definisanih Zakonom o statistici u FBiH i Planom, statistički podaci su se prikupljali, logički i matematički kontrolisali kroz mjesečna, kvartalna i godišnja istraživanja. U toku 2013. godine maksimalno se angažovalo na proširenju obuhvata za pojedina statistička istraživanja. Rokovi, predviđeni Planom su ispoštovani.

Ukupan broj prikupljenih i iskontrolisanih pojedinačnih statističkih izvještaja je preko 370.000, sa ogromnom količinom statističkih podataka.

U svih 10 Kantonalnih službi i ureda, u saradnji sa Federalnom poreskom upravom uspješno se vodila dnevna ažurnost administrativnog registra poslovnih subjekata. Kroz tu aktivnost vršeno je razvrstavanje poslovnih subjekata prema djelatnostima i blagovremeno izdavanje Obavještenja o razvrstavanju, kao i brisanje subjekata iz registra.

Za izračunavanje indeksa potrošačkih cijena, kao i prethodne godine, cijene su se prikupljaju u pet gradova FBiH (Bihać, Mostar, Sarajevo, Tuzla i

Zenica) prema unaprijed definisanom uzorku prodajnih mjesta i listi proizvoda. U 2013. godini prikupljeni su podaci o cijenama sa ukupno 864 prodajna mjesta, za oko 10.390 pojedinačnih cijena (posmatrano u mjesečnoj dinamici).

U 2013. godini uspješno je provedena Anketa o radnoj snazi (ARS) u svih 10 kantona prema unaprijed definisanom uzorku, za čiju realizaciju su angažovani i spoljni saradnici, kao i Anketa o troškovima rada (ATR).

## V Aktivnosti koje su imale međunarodnu podršku

Statistička saradnja sa Evropskom komisijom i ostalim partnerima odvija se u okviru projekata pomoći EU i ostalih inostranih organizacija i institucija, u cilju razvoja statistike u BiH. Zavod je, u saradnji sa Agencijom za statistiku BiH i Republičkim zavodom za statistiku Republike Srpske u 2013. godini učestvovao u izradi i implementaciji više međunarodnih nacionalnih i regionalnih projekata među kojima su:

- IPA 2008 TWINNING „Projekat pomoći državnoj i entitetskim statističkim institucijama – Faza V“ je nacionalni projekat koji se provodio 24 mjeseca (septembar 2011. - 2013. godine). Komponente ovog projekta su se odnosile na: poslovne statistike (statički poslovni registar, strukturne poslovne statistike, kratkoročne statistike, statistiku građevinarstva, statistiku trgovine na malo i statistika turizma), proširenu anketu o potrošnji domaćinstava (EHBS) i jačanje institucionalnih kapaciteta statističkog sistema BiH (dugoročna strategija, razvoj metadata i sistema klasifikacija, te promoviranje diseminacije). Zbog Popisa je implementacija ovog projekta produžena za tri mjeseca i okončan je u decembru 2013. godine.
- IPA 2008 „Projekat tehničke pomoći za Popis stanovništva, domaćinstava i stanova - Faza II“ je također nacionalni projekat kojeg je finansirala SIDA. Cilj projekta je bio pružanje pomoći u pripremama za Popis. Komponente ovog projekta su se odnosile na organizaciju i metodologiju Popisa, obuhvat i kontrolu kvaliteta popisnih podataka, javnu svijest (Public awareness), ICT podršku Popisu, kartografiju i diseminaciju. Implementacija Projekta je završena u novembru 2013. godine.
- Uporedo s gore navedenim Projektom provodile su se i dvije međunarodne posmatračke aktivnosti: International Monitoring Operation (IMO) i Result Oriented Monitoring (ROM), čija je svrha nadgledanje implementacije pomenutog Programa. Memorandum o razumijevanju za IMO aktivnost su potpisali Evropska komisija u ime Evropske unije i Vijeća Evrope, i Vijeće ministara u ime BiH. Aktivnosti IMO tima će se nastaviti i u 2014. godini.
- IPA DIREKTNI GRANT za provođenje Popisa stanovništva, domaćinstava i stanova u BiH 2013. godine, čija vrijednost iznosi 7,5 miliona eura. Implementacija, koja je u toku, će trajati dvije godine (juni 2013. - juni 2015. godine).

- IPA 2011 „Višekorisnički program za statističku saradnju“ je regionalni program koji će trajati dvije godine. Počeo se implementirati u julu 2012. godine, a završiće se u julu 2014. godine. Projektom su obuhvaćene sljedeće statističke oblasti: metodologije nacionalnih računa, kvartalnih nacionalnih računa, regionalnih računa domaćinstava, regionalne bruto dodane vrijednosti, agri-monetarne statistike, godišnje statistike usjeva, statistike stočarstva, statistike voda, statistike otpada, statistike prihoda i životnog standarda, Anketa domaćinstava, poslovnog registra, statistike unutarnje robne trgovine, strukturnih poslovnih statistika, statistike cijena – PPP i HICP. Projekat provodi firma GOPA Consultants.
- IPA 2012 “Višekorisnički program statističke saradnje“ je regionalni program koji se počeo implementirati u decembru 2013. godine i čija će se implementacija završiti u novembru 2015. godine. Uvodni period traje osam mjeseci - do završetka IPA 2011 „Višekorisničkog programa za statističku saradnju“, juli 2014. godine. Ovim projektom su obuhvaćeni sljedeći pilot projekti: metodologija nacionalnih računa, agro-monetarna statistika, statistika godišnjih prinosa, statistika stočarstva, kratkoročne poslovne statistike, statistika međunarodne robne razmjene, statistika međunarodne razmjene usluga, Anketa o prihodima i životnim uslovima (SILC), statistika cijena – PPP i HICP. Pored navedenih pilot projekata Programom su predviđene i horizontalne aktivnosti - seminari i konferencije radnih grupa, radionice za pilot projekte, obuke, stažiranje i ostalo. I ovaj projekat implementira firma GOPA Consultants.
- „Partnerstvo u statistici u BiH - 2012-2014“ (SIDA/SCB nacionalni 2012. - 2014. godine) je projekat bilateralne saradnje kojeg provodi Statistika Švedske (SCB), a finansira SIDA. Period implementacije teče od januara 2012. do decembra 2014. godine. Komponente projekta su: statistika tržišta rada (Ankete o radnoj snazi i troškovima rada), statistika životne sredine, statističke metodologije i izgradnja općih kapaciteta (menadžment i ljudski resursi).
- Tokom 2012. godine urađen je prijedlog novog SIDA/SCB Regionalnog projekta saradnje u Jugoistočnoj Evropi – faza III za period 2013 - 2016. godine. Projekat se počeo implementirati u januaru 2013. godine, sastoji od komponenti koje obuhvataju: aktivnosti regionalnog statističkog odbora, statistiku okoliša, statističke metodologije, ljetne škole i statistiku spolova.
- GIZ (Njemačko društvo za međunarodnu pomoć) finansira Program za jačanje javnih institucija u BiH, koji nije do kraja definiran. Predviđeno je da se ovaj program implementira u periodu 2011 – 2013. godine. U izvještajnom periodu obavljene su izvjesne aktivnosti (obuke) vezane za poslovne statistike, statistiku potrošačkih cijena i regionalnih računa.
- Međunarodni monetarni fond (MMF) je pokrenuo trogodišnji regionalni Projekat „Izgradnja kapaciteta za održivu kompilaciju statistike realnog sektora u Istočnoj Evropi“, kojeg finansira Vlada Japana. Cilj ovog projekta je pružanje pomoći za devet zemalja Istočne Evrope u unaprjeđenju tačnosti procjene nacionalnih računa i statistike cijena. U izvještajnom periodu se nastavilo s provođenjem raznih aktivnosti (obuke, radionice) vezanih za ovaj projekat.

- U izvještajnom periodu su se provele i završne aktivnosti (dvije studijske posjete Sloveniji) vezana za Program bilateralne tehničke pomoći u oblasti statistike sa Republikom Slovenijom, koji je obuhvatao komponente ekonomskih računa u poljoprivredi, ekonomskih računa u šumarstvu, popisa poljoprivrede, poslovnih statistika, energetske statistike i Ankete o radnoj snazi.
- IPA 2012/13 nacionalni projekat je konačno dogovoren u 2013. godini (prvobitno planiran da se finansira iz sredstava IPA 2011 nacionalnog programa). Ovaj projekat obuhvata pet komponenti, od kojih će četiri implementirati sve tri statističke institucije, i to tri komponente putem „twinning“ pomoći (komponenta 1 se odnosi na Nacionalne račune koji obuhvataju podkomponente: uvođenje sektorske i podsektorske ekonomije BiH u skladu s SNA 2008/ESA 2010 i obuku službenika za implementaciju SNA 2008 i ESA 2010 metodologija; komponenta 2 se odnosi na Poslovnu statistiku koja obuhvata tri podkomponente: poboljšanje Statističkog poslovnog registra; razvoj Strukturnih poslovnih statistika i razvoj Kratkoročnih statistika; komponenta 4 se odnosi na Evropski sistem statistike integrirane socijalne zaštite, ESSPROS). Komponentu 3 – Finansijski računi će implementirati Centralna banka Bosne i Hercegovine, i komponenta 5 koja se odnosi na pripremu Popisa poljoprivrede, putem tehničke pomoći (TA).
- Pored navedenih programa, Zavod je učestvovao, uglavnom kao korisnik podataka, i u implementaciji više drugih programa čiji nosioci nisu statističke institucije, kao što je IPA 2009 PFM-STAR „Jačanje kapaciteta za kompilaciju računovodstvenih podataka u okviru vladinog sektora i statistike javnih finansija“.

Takođe, Zavod je učestvovao i u početnim aktivnostima izrade prijedloga za regionalne i nacionalne programe druge faze IPA projekata (IPA II).

## **VI Uslovi koji su uticali na realizaciju statističkih aktivnosti**

### **1. Organizaciona struktura**

Pravilnik o unutrašnjoj organizaciji Federalnog zavoda za statistiku usvojen je 13.06.2013. godine. Pravilnikom su sistematizirana 264 radna mjesta od čega 8 rukovodećih državnih službenika, 178 ostalih državnih službenika, 78 namještenika i 1 savjetnik direktora (ukupno 265). Popunjenost radnih mjesta utvrđenih sistematizacijom, procentualno iznosi 66,03 %.


Na dan 31.12.2013. godine u Zavodu je bilo zaposleno 175 radnika, što je manje u odnosu na 31.12.2012. godine, kada je bilo zaposleno 179 zaposlenika.

- U toku izvještajnog perioda Zavod je završio sa provođenjem obuke za jednog pripravnika koji je angažovan na osnovu konkursa koji je objavila Služba za zapošljavanje Kantona Sarajevo. Dva pripravnika su primljena u 2013. godini na osnovu istog projekta, dok su dva volontera primljena putem Službe za zapošljavanje Tuzlanskog kantona.
- Zavod je proveo program obuke za 4 volontera koji su bili angažovani i finansirani od strane švedske statistike (SCB) / SIDE, a na osnovu prethodno potpisanog sporazuma o saradnji.
- U toku izvještajnog perioda, šest zaposlenika Zavoda ispunilo je zakonske uslove za odlazak u penziju, te su provedene potrebne procedure prestanka radnog odnosa.
- U 2013. godini je na osnovu dobijene saglasnosti Vlade Federacije BiH, provedena konkursna procedura za prijem devet državnih službenika i dva namještenika.

### **Problemi sa nedostatkom kadrova**

Zbog kontinuiranog povećanja obima poslova i uvođenja novih istraživanja, te intenzivnih aktivnosti svih uposlenika Zavoda na pripremama i provođenju Popisa, kao i na predstojećim aktivnostima na obradi podataka Popisa, popunjenost kadrovima u Zavodu bi trebala biti na znatno većem nivou.

FEDERALNI ZAVOD ZA STATISTIKU - ORGANIZACIONA ŠEMA



## 2. Finansiranje

Pregled utrošenih sredstava po grupama rashoda u 2013. godini:

Grupa rashoda	Budžet	Izvršeno	Index
Bruto plate i naknade	4.210.529	4.056.383	96,34
Naknade troškova i zaposlenih	619.927	533.281	86,02
Doprinosi poslodavca i ostali doprinosi	442.106	428.311	96,88
Putni toškovi	50.000	31.922	63,84
Putni toškovi za Popis stanovništva	656.438	55.351	8,43
Putni troškovi za HBS anketu	10.000	2.480	24,80
Troškovi energije	115.000	91.999	80,00
Troškovi komunalnih i komunikacionih usluga	205.000	172.720	84,25
Troškovi komunalnih i komunikacionih usluga za Popis stanovništva	87.540	4.018	4,59
Nabavka materijala	150.000	135.288	90,19
Nabavka materijala za Popis stanovništva	656.438	3.361	0,51
Troškovi usluga prevoza i goriva	28.000	16.624	59,37
Troškovi usluga prevoza i goriva za Popis stanovništva	226.788	0	0,00
Zakup imovine i opreme	37.000	41.198	111,35
Zakup imovine i opreme za Popis stanovništva	1.675	0	0,00
Troškovi tekućeg održavanja	95.000	120.200	126,53
Troškovi tekućeg održavanja za Popis stanovništva	40.665	31.577	77,65
Troškovi osiguranja, bankarskih usluga i platnog prometa	20.000	13.273	66,37
Troškovi osiguranja, bankarskih usluga i platnog prometa za Popis stanovništva	147.252	48.396	32,87
Ugovorene usluge	210.000	234.516	111,67
Ugovorene usluge za uvođenje GIS-a i formiranje nove kartografske dokumentacije	20.000	0	0,00
Ugovorene usluge za provođenje redovnog istraživanja-Anketa o radnoj snazi	105.000	96.648	92,05
Ugovorene usluge za Popis stanovništva	14.890.563	5.201.923	34,93
Ugovorene usluge za Popis stanovništva-grant EU		7.348.710	
Ugovorene usluge za HBS anketu	42.810	0	0,00
Tekući transferi drugim nivoima vlasti		569.909	
Nabavka opreme (FZS)	120.000	105.973	88,31
Nabavka opreme za Popis stanovništva	158.594	115.508	72,83
Nabavka stalnih sredstava u obliku prava (FZS)	56.046	0	0,00
<b>Ukupno:</b>	<b>23.402.371</b>	<b>19.459.569</b>	<b>83,15</b>



U 2013. godini iskazani su ukupni rashodi u iznosi od 19.459.569 KM.

U 2013. godini utrošeno je 142,16% više u odnosu na 2012. godinu. U 2013. godini za projekat Popis stanovništva, domaćinstava i stanova u BiH 2013. godine je ukupno utrošeno 13.378.753 KM, od toga iz budžeta Federalnog zavoda za statistiku 6.030.043 KM i iz sredstava Granta 7.348.710 KM.

U 2013. godini u Zavodu je bilo zaposleno prosječno 175 radnika. Prosječna neto plata iznosila je 1.329,16 KM, dok je bruto iznosila 1.931,62 KM.

## **PRILOZI:**

Prilog 1. – Pregled planiranih i izvršenih aktivnosti po oblastima

Prilog 2. – Spisak statističkih aktivnosti koje nisu provedene

Prilog 3. – Spisak Publikacija

Prilog 4. – Zaposleni radnici prema polu i stepenu obrazovanja

Prilog 5. – Budžet

Prilog 6. – Poslovni prostor

Prilog 7. – Spisak seminara

## Prilog 1. – Planirane i izvršene aktivnosti po oblastima u 2013. godini

STATISTIČKE AKTIVNOSTI PO OBLASTIMA	BROJ AKTIVNOSTI	AKTIVNOSTI							Planirane aktivnosti koje nisu izvršene
		Ukupno	Tekuće	Mjesečne	Tromjesečne	Polugodišnje	Godišnje	Višegodišnje	
<b>AKTIVNOSTI UKUPNO</b>	<b>172</b>	<b>166</b>	<b>2</b>	<b>20</b>	<b>16</b>	<b>2</b>	<b>120</b>	<b>6</b>	<b>6</b>
<b>1. Poslovne statistike</b>	<b>100</b>	<b>94</b>		<b>14</b>	<b>14</b>	<b>1</b>	<b>64</b>	<b>1</b>	<b>6</b>
1.1. Statistika poljoprivrede, šumarstva, ribarstva i okoliša	35	34		7	1		25+(1)*	1	1
1.2. Statistika industrije, građevinarstva i energije	19	19		4	1	1	13		
1.3. Strukturno poslovno statističko istraživanje	11	11					11		
1.4. Statistika usluga i vanjske trgovine	35	30		3	12		15		5
<b>2. Statistika stanovništva i društvene statistike</b>	<b>54</b>	<b>54</b>	<b>1</b>	<b>2</b>	<b>1</b>	<b>1</b>	<b>44</b>	<b>5</b>	
2.1. Statistika stanovništva i registar	11	11	1	1		1	6	2	
2.2. Statistika tržišta rada	5+(2)*	5+(2)*		1+(2)*	1		2	1	
2.3. Statistika razvoja društva	37+(3)*	37+(3)*					36+(3)*	1	
2.4. Statistika životnih uslova	1	1						1	
<b>3. Ekonomske statistike</b>	<b>18</b>	<b>18</b>	<b>1</b>	<b>4</b>	<b>1</b>		<b>12</b>		
3.1. Statistika nacionalnih računa	14	14	1		1		12		
3.2. Statistika cijena	4	4		4					

\*Brojevi u zagradi se odnose na aktivnosti koje provode druge institucije, kao ovlašteni proizvođači zvanične statistike

## Prilog 2. – Spisak aktivnosti koje nisu provedene u 2013. godini

### Odsjek za statistiku usluga i vanjske trgovine

Godišnje istraživanje o upotrebi informacijskih i komunikacijskih tehnologija u domaćinstvima – probno

Godišnje istraživanje o upotrebi informacijskih i komunikacijskih tehnologija u preduzećima – probno

Kvartalni indikatori u hotelijerstvu i ugostiteljstvu

Kvartalni indikatori u poštanskim i kurirskim uslugama

Kvartalni indikatori u telekomunikacijskim uslugama

### Odsjek za statistiku poljoprivrede, šumarstva, ribarstva i okoliša

Godišnje istraživanje o rashodima i prihodima u zaštiti okoliša (INV-OK) – probno

### Prilog 3. – Spisak publikacija objavljenih u 2013. godini

RB	PUBLIKACIJE KOJE SE OBJAVLJUJU	TIRAŽ	FORMAT
1.	Migracije stanovništva, 2012	100	A4
2.	Biljna proizvodnja u FBiH, 2012	100	A4
3.	Kultura i umjetnost u FBiH u 2012	100	A4
4.	Visoko obrazovanje u FBiH u 2012/2013	100	A4
5.	Socijalna zaštita u FBiH u 2012	100	A4
6.	Demografska statistika 2012	100	A4
7.	Predškolsko obrazovanje u 2012. godini, Osnovno obrazovanje u FBiH, kraj školske 2011/2012 i početak 2012/2013 godine	100	A4
8.	Zaposlenost, nezaposlenost i plaće u FBiH u 2012	100	A4
9.	Prijavljene, optužene i osuđene punoljetne i maloljetne osobe i privredni/gospodarski prijestupi i sporovi u FBiH u 2012 godini	100	A4
10.	Lokalni izbori 2012.	100	A4
11.	Srednje obrazovanje u FBiH kraj 2011/2012 i početak 2012/2013 šk.godine	100	A4
12.	Građevinarstvo u FBiH, 2012	100	A4
13.	Industrijska proizvodnja FBiH u 2012	100	A4
14.	Investicije u stalna sredstva u FBiH u 2012	100	A4
15.	Bruto domaći proizvod u FBiH za 2012. godinu	100	A4
16.	Mjesečni statistički pregled FBiH	220	A4
17.	Mjesečni statistički pregled FBiH po kantonima	220	A4
18.	Statistički godišnjak/ljetopis 2013	200	A4
19.	FBiH u brojkama	100	A5
20.	Kantoni u brojkama	100	A5
21.	Sistematski spisak naseljenih mjesta F BiH		B5
22.	Preliminarni rezultati popisa stanovništva 2013. po općinama i naseljenim mjestima u FBiH	100	A4

### TROMJESEČNA SAOPŠTENJA U 2013. GODINI

RB	ISTRAŽIVANJE	NAZIV SAOPŠTENJA
1.	Građevinarstvo	Građevinarstvo u FBiH
2.	Industrija	Industrijska proizvodnja u FBiH
3.	Unutrašnja trgovina	Distributivna trgovina prema pretežnoj djelatnosti
4.	Prijevoz, skladištenje i komunikacije	Promet u prijevozu i mskladišnim djelatnostima
		Cestovni prijevoz robe i putnika
		Zračni prijevoz
		Promet na aerodromima/u zračnim lukama
		Poštanske, kurirske i telekomunikacijske usluge
5.	Poljoprivreda	Prijevoz putnika i robe željeznicom
		Klanje stoke i peradi u klaonicama
6.	Ugostiteljstvo	Promet u ugostiteljstvu
7.	Vanjska trgovina	Indeksi izvoznih i uvoznih cijena
8.	Bruto domaći proizvod	Tromjesečni Bruto domaći proizvod

### POLUGODIŠNJA SAOPŠTENJA U 2013. GODINI

RB	ISTRAŽIVANJE	NAZIV SAOPŠTENJA
1.	Građevinarstvo	Prosječna cijena završenih stanova

## GODIŠNJA SAOPŠTENJA U 2013. GODINI

RB	ISTRAŽIVANJE	NAZIV SAOPŠTENJA
1.	Unutrašnja trgovina	Domaći sajmovi
		Godišnji podaci o prometu u distributivnoj trgovini
		Godišnji podaci o prometu u trgovini na malo
2.	Prijevoz, skladištenje i komunikacije	Cestovni prijevoz robe u 2012.
		Prometne nesreće na cestama u 2012.
		Prijevoz putnika i robe u 2012.
		Ceste, mostovi i tuneli u 2012.
		Zračni promet u 2012.
		Registrirana cestovna motorna vozila za 2012.
		Promet na aerodromima /u zračnim lukama u 2012.
3.	Bruto domaći proizvod	Bruto dodana vrijednost i bruto domaći proizvod – proizvodni pristup – prvi rezultati
		Bruto dodana vrijednost i bruto domaći proizvod – proizvodni pristup – konačni rezultati
		Bruto dodana vrijednost i bruto domaći proizvod – dohodovni pristup – prvi rezultati
		Bruto dodana vrijednost i bruto domaći proizvod – dohodovni pristup – konačni rezultati
4.	Investicije	Investicije u 2012. – prvi rezultati
		Investicije u 2012. – konačni rezultati
5.	Obrazovanje	Predškolsko obrazovanje, 2013
		Osnovne škole – kraj školske 2012/2013 i početak 2013/2014 godine
		Upisani studenti na visokoškolskim ustanovama
		Visoko obrazovanje FBiH
		Srednje škole – kraj školske 2012/2013 i početak 2013/2014 godine
6.	Poljoprivreda	Brojno stanje stoke i stočna proizvodnja
		Indeksi poljoprivredne proizvodnje
		Zasijane površine u jesenjoj sjetvi
		Zasijane površine u jesenjoj i proljetnoj sjetvi
		Ostvareni prinosi kasnih usjeva, voća i grožđa
		Ostvareni prinosi ranih usjeva i voća
		Ostvareni prinosi južnog voća i maslina
7.	Stanovništvo	Procjena ukupnog broja prisutnih stanovnika po spolnoj i starosnoj strukturi
8.	Ugostiteljstvo	Ugostiteljstvo u FBiH, 2012
9.	Izbori	Lokalni izbori 2012
10.	Vanjska trgovina	Podaci o robnoj razmjeni s inozemstvom za 2012
11.	Socijalna zaštita	Socijalna zaštita/skrb u FBiH, 2012
12.	Pravosuđe	Pravosuđe u 2012
13.	Okoliš	Otpad iz proizvodnih djelatnosti, 2012
		Korišćenje voda i zaštitavoda od zagađivanja u industriji u 2012
		Prikupljeni i odloženi komunalni otpad u 2012
		Prečišćavanje i ispuštanje otpadnih voda u 2012
		Skupljanje, prečišćavanje i distribucija vode u 2012
14.	Ankete	Anketa o radnoj snazi, 2013
		Anketa o potrošnji domaćinstva, 2011-konačni rezultati
15.	Energetika	Bilans električne energije, 2012
		Bilans ugljena, 2012
		Bilans prirodnog plina, 2012
16.	Strukturne poslovne statistike	Strukturne poslovne statistike-preliminarni rezultati-varijable i indikatori za preduzeća, 2011

## BROJ SAOPŠTENJA PO ISTRAŽIVANJIMA I TIPU U 2013. GODINI

RB	ISTRAŽIVANJE	TIP SAOPŠTENJA				Ukupno saopštenja po istraživanju
		Mjesečno	Tromjesečno	Godišnje	Polugodišnje	
1.	Građevinarstvo	1	1	-	1	18
2.	Šumarstvo	1	-	-	-	12
3.	Unutrašnja trgovina	1	1	3	-	19
4.	Turizam	1	-	-	-	12
5.	Prijevoz, skladištenje i komunikacije	-	6	7	-	31
6.	Cijene	2	-	-	-	24
7.	Zaposlenost, nezaposlenost i plaće	2	-	-	-	24
8.	Industrija	1	1	-	-	16
9.	Bruto domaći proizvod	-	1	4	-	5
10.	Investicije u 2011.	-	-	2	-	2
11.	Obrazovanje	-	-	5	-	5
12.	Poljoprivreda	2	1	6	-	34
13.	Stanovništvo	1	-	1	-	13
14.	Izbori	-	-	1	-	1
15.	Vanjska trgovina	1	1	1	-	17
16.	Ugostiteljstvo	-	1	1	-	5
17.	Socijalna zaštita	-	-	1	-	1
18.	Pravosuđe	-	-	1	-	1
19.	Okoliš	-	-	5	-	5
20.	Ankete	-	-	2	-	2
21.	Energetika	-	-	3	-	3
22.	Strukturne poslovne statistike	-	-	1	-	1
	<b>UKUPNO SAOPŠTENJA U 2013. GODINI:</b>	<b>156</b>	<b>49</b>	<b>44</b>	<b>2</b>	<b>251</b>

### Prilog 4. – Zaposleni prema polu i stepenu obrazovanja (31.12.2013.)

Školska sprema	Broj radnika				
	Po sistematizaciji	Popunjeno			Nije popunjeno
		Ukupno	Muškarci	Žene	
VSS - Državni službenici	187	108	31	77	79
VŠS i SSS - Namještenici	78	67	17	50	11
<b>UKUPNO</b>	<b>265</b>	<b>175</b>	<b>48</b>	<b>127</b>	<b>90</b>

## Prilog 5. – Budžet Federalnog zavoda za statistiku

GODINA	U KM	UČEŠĆE U BUDŽETU FEDERACIJE BIH ( % )
2010.	9.516.128	0,51
2011.	8.828.655	0,51
2012.	8.196.704	0,41
2013.	23.402.371	1,06

## Prilog 6. – Poslovni prostor

	Broj kancelarija	Površina u m <sup>2</sup>	Broj radnika	
	Stanje	Stanje	Popunjeno	Potrebno po sistematizaciji
<b>FZS Centrala Sarajevo</b>	40	890	99	162
<b>Kantonalna služba Bihać</b>	5	95	10	12
<b>Kantonalni ured Orašje</b>	1	18,9	2	4
<b>Kantonalna služba Tuzla</b>	10	150	12	16
<b>Kantonalna služba Zenica</b>	4	92	8	12
<b>Kantonalni ured Goražde</b>	2	35	4	4
<b>Kantonalna služba Travnik</b>	4	78	8	11
<b>Kantonalna služba Mostar</b>	7	150	11	14
<b>Kantonalni ured Široki Brijeg</b>	3	55	5	6
<b>Kantonalna služba Sarajevo</b>	5	120	11	17
<b>Kantonalni ured Livno</b>	3	83	5	7

Poslovni prostori u Zenici, Bihaću i Orašju se koriste na osnovu potpisanog ugovora o zakupu.

## Prilog 7. – Spisak seminara i obuka u 2013. godini

RB.	Naziv seminara ili sastanka	Broj učesnika	Broj dana
1	EU Twinning projekt- SBS ( juni i decembar)	2	10
2	Gopa -Radionica za Nace Rev.2	1	3
3	Regionalna radionca – Non sampling errors (april)	2	3
4	Regionalna radionca – Non sampling errors (novembar)	2	3
5	Prisustvo misiji - Metadata komponenta - Banja Luka	2	5
6	Prisustvo misiji - Metadata komponenta – Studijska posjeta statistici Danske (Kopenhagen)	2	5
7	Diseminacija komponenta - Banja Luka	3	4
8	Sastanak (Logičke kontrole u Popisu stanovništva, domaćinstava i stanova) - Banja Luka	2	1
9	Seminar MetaPlus - Bečići, Crna Gora	1	4
10	Seminar Open Data - Berlin, Njemačka	1	5
11	Seminar o meta-podacima	1	4
12	PES sastanak	1	2
13	RBM - regionalni projekat	1	3
14	Studijska posjeta za ARS	1	4
15	Analiza siromaštva	1	1
16	Statistička konferencija	1	5
17	Ljetnja škola	1	5
18	PES sastanak	1	2
19	Bently GeoForum, Sarajevo (09.05.2013)	3	1
20	Nacionalni dani INSPIRE, Grad Mostar (16/17.05.2013)	1	2
21	INSPIRE Evropska konferencija, Sarajevo (09.11.2013)	2	1
22	Prvoj radionici na projektu ATTRACT SEE, Sarajevo (09.11.2013)	2	1
23	IPA 2011 MBP - Studijska posjeta Statistici Hrvatske	1	2
24	IPA 2011 MBP - Radionica o statistici godišnjih usjeva	1	3
25	IPA 2011 MBP - Radionica o statistici stočarstva	1	3
26	IPA 2011 MBP - Ekonomski računi u poljoprivredi i indeksi cijena poljoprivrednih proizvoda	1	3
27	IPA 2011 MBP – Statistika mlijeka	1	
28	Regionalna radionica o statistici okoliša, (SIDA)	1	4
29	Radionica o analizi procesa pripreme odgovora na Listu pitanja EU za poglavlje 5. i 27. acquis-a	1	2
30	SIDA Nac - Studijska posjeta statistici Švedske- okoliš	2	4
31	IPA 2011 MBP - Radionica o statistici otpada	2	2
32	IPA 2011 MBP - Radionica o statistici voda	2	2
33	SIDA Reg – Ljetna škola o analizama istraživanja	1	4
34	ENVIS – Radionica o jačanju sektora okoliša	1	2
35	Eurostat (IPA 2011) – Ekonomski računi u poljoprivredi	1	2
36	Radionica na Vlašiću na temu: Uvodjenje novih obazaca u osnovnom i srednjem obrazovanju	1	2

37	Sastanci za NHA – redovno su održavani u toku 2013.godine	1	13
38	Radionica u Podgorici na temu: Implementacija ISCED 2011	3	4
39	Strategije za prevenciju i borbu protiv nasilja u porodici (2013-2017) – izrada i implementacija	1	
40	Rod, religija i društvo - seminar	1	1
41	Promocija međusektorske saradnje - sastanak	1	1
42	Sastanak - ESSPROS	2	1
43	Studijska posjeta na temu ESSPROS - Zagreb	1	2
44	Konferencija na temu "Socijalna zaštita i inkluzija"	2	1
45	Sastanci sa federalnim instucijama - ESSPROS	1	6
46	"Novi program EUPROGRESS 2014. – 2020." - seminar	2	1
47	Radionica – projekat jačanja kapaciteta ljudskih resursa u BIH-Sarajevo	1	2
48	Radionica - projekat jačanja kapaciteta ljudskih resursa u BIH	2	2
49	Seminar "Eurydice"	1	1
50	Sastanci sa tim liderom projekta EUPHC II I ekspertima angažovanim kroz projekat	Po potrebi	
51	Sastanci Radnih grupa tri statističke institucije	Po potrebi	
52	Sastanci sa IMO timom – Monitoring Popisa	Po potrebi	9 misija u 2013.
53	Radionica MMF-a na temu kvartalni nacionalni računi (25.02.-01.03.2013.) u Sarajevu.	1	4
54	IPA-2011 (multi-beneficiary Programme on Statistical Cooperation, componenta HICP) održane 2 misije experta za HICP (Ema Mišić) (18-20.02. i 27.-29.11.2013) u Sarajevu	3	6
55	Radionica MMF-a na temu kompilacija statistike cijena (15.-19.04.2013.) u Beču	2	5
56	IPA-2011 (multi-beneficiary Programme on Statistical Cooperation, componenta HICP) radionica o HICP (13.i 14.05.2013.) u Podgorici	1	2
57	Svjetska banka - konferencija o siromaštvu (11. -13. 05.2013) u Bečićima	1	3
58	Misija MMF-a na temu Ideksa cijena proizvođača industrijskih proizvoda (PPI) održana posebno u sve tri statističke institucije ( 10.-21.05.2013., U Zavodu misija održana 17.i 18.05.2013.) u Sarajevu.	3	2
59	Radionica Microsoft Office 2010 (16.-20.12.2013.), Logosoft, Sarajevo	1	5
60	IPA-2008, componenta 2- EHBS, dvije misije experata (26-29.11. i 9-13.12.2013.) u Banjoj Luci.	2	9
61	Studijska posjeta ISTAT-u – IPA 2008, komponenta 2-EHBS (15-17.01.2013.)	2	3
62	MMF 2012 Regionalni program - Radionica Kvartalni nacionalni računi	4	5
63	IPA 2011 –Projekat Metodologija nacionalnih računa (27-31.05.2013)	4	2
64	IPA 2011 –Projekat Metodologija nacionalnih računa (2-6.12.2013)	3	2
65	GIZ-Regionalni računi u BiH (22-26. juli 2013)	6	5
66	GIZ-Regionalni računi u BiH (18-20. decembar 2013)	3	1
67	IPA 2011 - Projekat Kvartalni računi, Training course (9-11. Juli 2013, Luksemburg)	1	3
68	Obuke za OCR platformu	2	5
69	IPA 2008 Twinning STS Activity 1.3. Građevinarstvo	2	19
70	GIZ – Industrija i Građevinarstvo	6	18
71	Energetska statistika -Radionica u Energetskom Institutu Hrvoje Požar (EIHP) 11-14.11.2013.Zagreb	1	4



72	Editovanje i imputacija (januar 2013. Sarajevo)	7	5
73	Dugoročna strategija (13-16 maja 2013. Banja Luka)	1	4
74	Seminar o korištenju informacionih tehnologija - ICT (6-8 novembra 2013. Podgorica, Crna Gora)	1	3
75	Upravljanje bazirano na rezultatima-RBM (25-28 novembra 2013. Ilidža)	8	4
76	Seminar o projekcijama zaposlenih uz upotrebu podataka o projekcijama stanovništva (2-5 decembra 2013. Miločer, Crna Gora)	3	4
77	CISCO Academy (CCNA)	1	60
78	Oracle DB Administracija	1	3
79	CheckPoint	2	1
80	Windows Server 2012 Active Directory Domain Services – <i>Customized Workshop</i>	3	3
81	Misije za trgovinu na malo, IPA 2008 Twinning projekt	5	8
82	Misije za turizam, IPA 2008 Twinning projekt	7	14
83	Misija za SPR, IPA 2008 Twinning projekt	2	3
84	Kurs o Evropskom statističkom sistemu, IPA 2008 Twinning	1	5
85	Radionica o informacijskim i komunikacijskim tehnologijama	1	3
86	CEFTA WEEK 2013, Ministarstvo vanjske trgovine i ekonomskih odnosa	1	2

Broj :  
Datum: 25.02.2014. godine

DIREKTOR  
Hidajeta Bajramović